



सानसेयारि "बड'सा" खौरांलाइयाव समाज्यादि जिजो लोब्बा थानाय रायथाय, खन्थाय, सल', सल'बाथा आरो दावबायादि थावनि, पाक बाइदिनि सायाव लिबनाय लिबिबां दैथाय हर/ सानसेयारि "बड'सा" खौरांलाइया खेबखानाके फोसावगोव।

बड'सायाव लिबनायनि हुबा खालाम, "बड'सा" खौरांलाइया, जो बयबो आंगो खालाम।

सानसेयारि बड'सा मावखुलि  
माइबं नोगोर, जोहोलाव दैमालु लामा  
कक्राझार, बिदिसि-783370  
Website: www.bodosanewspaper.com

BODOSA ★ A Bodo News Daily ★ Thursday ★ 23 March, 2023 Kokrajhar, BTC, Assam ★ Vol.- 32, Issue No. 355 ★ R.N.I.Regd. No. 40994/91, Assam Govt.Regd.No.IPRD.40/2006/13, ★ Rs.8/-

गुवाहाटीआव बारग' हादतगिरि रामनाथ कविन्द दावबायफैदों



गुवाहाटी, 22 मार्च: भारतनि बारग' हादतगिरि रामनाथ कविन्दआ दिने गुवाहाटीआव दावबायफैयो। दिने बुधबाखालि गंसे जर'खा उरां जाहाजजों बरझार उरां गाथोनाव बारग' हादतगिरिआ बाहलाय फैयो। बिथांखो उरां गाथोनाव इउएसटिएमनि गोरगुं महबुबुल (□ 5 बिलाइआव)

आजिरा मोन्नाय अंगनबादि मावफारिया-हेफाजाबगिरिफोरनो अन्सुंथाय गथायदों

राइज्योनि गंग्रोमबो अंगनबादि मिरुखौ गोदान महर होनायनि थांखि आजवना लागोन राइज्यो सरकारआ: ड० हिमन्त बिश्व शर्मा

फरा-फारि फोरोंथाय होनो गोसो जानाय आजिरा मोन्नाय फोरोंगिरिखौ गनायथि होनायनि थांखि आजवदों राइज्यो सरकारआ

दिसपुर, 22 मार्च: आसामनि गिबि मन्थि ड० हिमन्त बिश्व शर्माआ दिने आसाम सरकारनि आइजो आरो गथ'सा जौगाखां



बिफाननि बान्जायनायाव श्रीमन्त शंकरदेव कलाक्षेत्रनि श्री श्री माधवदेव हरिमायारि मेल जथुमसालियाव खुंनाय अंगनबादि मावफारिया हेफाजाबगिरिफोरनो आजिरा मोन्नाय अन्सुंथाय गथायनाय हाबाफारियाव बाहागो लायो। मख'नो गोनांदि, अंगनबादि मावफारि मिरुफोराव मख'जाथाव सिबिथाय होनायनि बिमुं महरै 2022 माइथायनि 1 एप्रिलनिफ्राय (□ 5 बिलाइआव)

मिरुनि राइज्योयारि मन्थि डा: सन्जिब बल्यानआ तामुलपुर दावबायफैदों



तामुलपुर, 22 मार्च: भारत सरकारनि मिरु राइज्योयारि मन्थि डा: सन्जिब बल्यानआ दिने तामुलपुरयाव दावबायफैनां गुबुन गुबुन हाबाफारियाव बाहागो लायो। तामुलपुरयाव दावबायफैनां माखासे आबाद फार्मफोराव नायगिदिहेयो मन्थि बल्यानआ। मन्थिया कुमारिकातायाव दावबायहेना गिन उड एए' फार्मयाव नायगिदिहेना आबादारि बिमल नाजरीखो (□ 5 बिलाइआव)

गेनाखाथि होबथाग्रा हान्जाआ साथाम मावसुमाफोरखौ हमदों

गुवाहाटी, 22 मार्च: आसाम सरकारआ गेनाखाथिखौ होबथानायनि थाखाय गोखोंथार थांखि आजवबोबाय थानाय बायदियेनो दिनेबो सिग्रोमनां साने सुबुखो हमनाय जायो। बे दिने गेनाखाथि होबथाग्रा हान्जाया साने सरकारि मावसुमाफोरखो हामो। बिसोरनि गेजेराव सासे मावसुमाया लात मन्डल आरो गुबुन सासेआ गाहाइ इन्जिनियार। मख'नो गोनांदि, बिस्वनाथ रेभिनड साके'ल मावखुलियाव गेनाखाथि होबथाग्रा हान्जाया सिग्रोमनाय हाबाफारि लानाने बाघमरा मौजानि 6 नं. लातिनि बिबानाव थानाय मन्डल लागन (□ 5 बिलाइआव)

कुमारिकातायाव बिपिएफ दोलोया सुबुं सांग्रांथियारि हान्जा सुरनाय हाबाफारि खुंदों

तामुलपुर, 22 मार्च: बाक्सा जिल्लानि तामुलपुर महकुमानि कुमारिकातायाव दिने बिपिएफ दोलोया मोनसे सुबुं सांग्रांथि मेल खुडो। सुबुं सांग्रांथि मेलनि सिगां दोलोनि दैदेनगिरि-मावथि आरो हेफाजाबगिरिफोर मोनसे हान्जा सुरनाय हाबाफारियाव बाहागो लायो। खोला कुमारिकातानिफ्राय जागायजेनाने हान्जा सुरनाया कुमारिकाता हाथायाव थुंगेफैयो। बेनि उनावनो कुमारिकाता दुर्गा मन्दिवाव सुबुं सांग्रांथि मेलखो खुंनाय जायो। तामुलपुर जिल्ला बिपिएफनि आफादगिरि महेश्वर बसुमतारिनि आफादगिरि मासि सामब्लायनायाव खुंनाय मेलवाव

गुवाहाटी, 22 मार्च: उन्दै बैसोयाव हाबा जानायनि हेंथायै थानाय गसरफोरनि नायबिजिरनायखो थाबेनो फोजोबनो थाखाय पुलिस बिथोनगिरि गाहाइया राइज्योनि गासै जिल्ला पुलिसनो बिथोन होदों। आसाम पुलिसनि गाहाइ मावखुलियाव दिने खुंनाय राइज्योयारि थाखोनि दायनि सोमोन्दै नैथि जथुमाव दायगोनां गसरफोरनि सायाव सावरायनाने पुलिस बिथोनगिरि गाहाइया सम बादियै एनडिपिएस आइनि सिडाव थानाय



गसरफोरखौ नायबिजिरनायजों लोगोसे खारखुमाना थानाय दायगिरिफोरखौ नागिरना दिहुन्नो थाखायबो बिथोन होयो। दाय संदानग्रा बिफाननि उफ्रा। पुलिस बिथोनगिरि गाहाइजों लोगोसे मन्दलयायारि पुलिस गाहाइ नायदिगिरि, राइज्योनि जिल्लाफोरनि उफ्रा पुलिस बिबानगिरि (क्राइम)

आरो गुवाहाटीनि पुलिस लेइइ कमिसनार (क्राइम) मोनहा बाहागो लानाय बे जथुमाव दाय संदानग्रा बिफाननि उफ्रा पुलिस बिथोनगिरि गाहाइया जिल्लाफोरनि दायगोनां गसर नायबिजिरनाय मोनसे हिसाब लायो। जथुमाव उन्दै बैसोयाव हाबा जानायनि सोमोन्दै (□ 5 बिलाइआव)

आइन आफाद बियाबनि सिमना थि खालामनायनि सोमोन्दै गिबि मन्थिजों जुथाय दोलोनि एमएलएफोरा सावरायजलायदों

गुवाहाटी, 22 मार्च: बिजेपिनि दैदेनाय जुथाय दोलो सरकारनि साफ्रोमबो एमएलएफोरा मंगलबारखालि आसाम आइन आफादनि मेल जथुमसालियाव जथुम खुंनाने माखासे गोनांथार आयदाफोरजों लोगोसे आइन आफाद बियाबनि गोदान सिमना थि खालामनाय हाबाफारिनि सोमोन्दै सावरायलायनायो। सुलुनि बायदियै मंगलबारखालि खुंनाय बे जथुमयाव मोनथाम मख'जाथाव आयदानि सोमोन्दै सावरायलायनाय जादों। बेनि गेजेराव बयनिखुइबो गोनांथार आइन आफाद बियाबफोरनि सिमनाखौ थि खालामनाय। बेनि अनगायैबो जथुमयाव (□ 5 बिलाइआव)

गसाइगावयाव सरकारि पेन्सनार आफादनि जथुम खुंदों



गसाइगाव, 22 मार्च: कक्राझार जिल्लानि गसाइगाव सदर सहरनि नेताजी सुभाष क्लब आरो बिजाब बाखियाव दिने सरकारि पेन्सनार आफादनि गसाइगाव महकुमा दालाइ आफादनि ब्रैथि नै बोसोरसालिया जथुम्याया खुंजायो। जथुम्यानि लोब्बायै फिर्फिलाखौ बिरहोयो आफादगिरि सहेन्द्र नाथ ब्रहमआ। रंसारिफोरनो मान बाडनाय हाबाफारिखौ बेखेवना होयो पद्मश्री ड० कामेश्वर ब्रहमआ। सानसेनि मेहेर गोनां हाबाफारिनि गेजेरजों खुंनाय जथुम्यायाव नेहाथारिनि रिपटखौ फरायथियो नेहाथारि खनिन्द्र नाथ दासआ। गुबुन फार्सेंथि, आर्जिनय-खरसानि रिपटखौ फरायथियो अमल चन्द्र साहाया। जथुम्यायाव पद्मश्री ड० कामेश्वर ब्रहम, गपि महन ब्रहम, गागि नोगोरारि आफादनि (□ 5 बिलाइआव)

फोसावनाय

कक्राझार टउननिफ्राय 7 (सि) कि:मि: गोजान सा-सोनाबहा बनगरगावआव थानाय "लाइमोन सोरां एकाडेमि" आ थाखो नासार्निफ्राय थाखो गु (IX) सिमनि पाण्डुलिफि (PROSPECTUS) आरो महरलाइ होगासिनो दड।

सुलाद लानायनि थं:

लाइमोन सोरां एकाडेमि

लाइजामख': बनरावाव

जिल्ला: कक्राझार, बड'लेण्ड

पिन: 783347

\* मिथिनो गोनां: मुंथिसन आन्जादनि अक्ट: 27/03/2023 (समबार) थाखो नासार्निखौ थोजेडे मुंथिसन होनाय जागोन।

CONTACT No.:

9954384412/6000242387/9435720134

ज'नाइ गुदि बर' थुनलाइ आफादया सोल्लोंथाय सांग्रांथि मेल खुंदों

ज'नाइ, 22 मार्च: दिने ज'नाइ जिल्ला बर' थुनलाइ आफादनि सिडाव थानाय ज'नाइ गुदि बर' थुनलाइ आफादनि बान्जायनायाव थारि कछारी गामनि गुदि फरायसालि आव सोल्लोंथाय सांग्रांथि मेल खुंनाय जायो। बे मेलवा आलासि महरै बाहागो लायो दुलाराइ बर' फरायसा आफादनि नेहाथारि बड'सा ब्रहमआ। बे मेलवा बाहागो लानाने गावनि बेसेन गोसा बिबुंथिनि गेजेरजों बड'सा



ब्रहमआ बुडेदि, जों बिमानि रावजों सोल्लोंथाइ लायोब्ला गोरलैयेनो बुजिसिनो हायो। जौनि राव-हारिमु थायोब्लासो (□ 5 बिलाइआव)

भबानिपुरआव लाभ जिहाद मेट्रि आन्जाद लिरनाय फरायसाया उन्दै बैसोनि हिन्जावसाखौ लानानेखारदों

भबानिपुर, 22 मार्च: गिबि मन्थि हिमन्त बिश्व शर्मानि बिथोन बादियै राइज्योयाव उन्दै बैसोयाव हाबा जानायनि हेंथायै गोखों हाबाफारि लाबाय थानाय समावनो भबानिपुरयाव सासे उन्दै बैसोनि मुसलमान हौवासा आरो उन्दै बैसोनि हिन्दु हिन्जावसानि लाभ जिहादखौ लानाने ओन्सोलाव दुंहाव थासारि सोमजिदों। मख'नो गोनांदि, लाभ जिहादजों लोब्बा थानाय हौवासाया 17 बोसोर बैसोनि आरो सोलिफु मेट्रिक आन्जादनि फरायसा, लोगोसे हिन्जावसाया 16 बोसोर बैसोनि आरो एइस

एसनि गिबि बोसोरनि फरायसा। थानाय 17 मार्चखालि हरनिफ्रायनो मुसलमान हौवासा आरो भबानिपुरनि हिन्जावसाया गोमाना थानाय हिन्जावसानि बिफानि नख'रया भबानिपुर पुलिस थानाय एजाहार थिसन हैदोंमोन। 6 दान सिगांनिफ्राय मोजां मोनलायनाय हौवासा-हिन्जावसाया थानाय 17 मार्चखालि हरनि 11 रिगासोयाव भबानिपुरनि साखाथियाव थानाय कहरा सकयाव गंसे हरनि बास गाखोनाने गुवाहाटीसिम खारखुमा लांदोंमोन। गुवाहाटीनि मालिगावयाव (□ 5 बिलाइआव)

जेब्ला मोखां, गुस्थि आरो आफादावदैआ रानखाडो



अब्लानो सभलिन-नि गुरे नोरोम क्रीमआ हाबलानाने बिगुरखो गुरे खालामो आरो बिगुरखो मोजां खालामो मिनि-खुसियै बिगुरखो गोदान जिउ मोनहोयो।



सानफ्रोमबो हराव सभलिनखौ फुन

## सुजुगिरिनि खोलोम

### थांनानै थानायनि राहाफारि

आबादयानो बर'फोरनि थांना थानायनि गिबि आरो गुदि फुंखा। आबादनि अनगा बर'फ्रा गुबुन माबा मोनसे मुलाफयारि गोनां खामानि दामानि मानानै रांखास्थियारी बिथारखौ फसंथानो आरो बेखौनो गुबै राहा हिसाबै लानो हाद्रयाखे। अब्लाबो बर'फ्राबो-फालांगिरि,मोजां आबादारि दंसे। फालांगिरिफोरनि बाध्याखौ रायखाडबालानो मिथिगायारी फुंखानिफ्राय माखासे राहा आरो मावसोमनायनि गेजेरजो गमियारी रांखास्थियाव गोलेथै मुलाफयारी खालामनो राहा दंसे। बेफोरनि गेजेराव ना आरो हांसो फिसनायाबो मोनसे। गुबैथै ना आरो हांसो फिसनायनि मोजां समानो जादों दैज्जां बोथोर। दैज्जां बोथोर सौफैब्लानो गामि ओनसोलनि गोबां हाखर-हाला, गरखायफ्रा अखा बांखानि दैज्जां दानब्रे-दानबासिम आबु लोमनानै थायो। बेफोर एरैनो गोलेसोनानै थानाय हाखर-हालाफ्राव समबाय हिसाबै बोथोरवनो ना फिसिनो हागौ। ना-जों लोगोसे जावजा आबाद हिसाबै हांसो फालोबो फिसनायनि राहा खालामनो हायोब्ला रांखास्थियारि फुंखाखौ एसे एनै बांहोनयनि मिजिं खालामनो हागौ। दैज्जां बोथोरव थि बेंखनथायनि गेजेराव दोन्नानै हांसो फिसिनो लायोब्ला दैयाव थाल्दानाय-साम'-खांख्राइ, गुमा, बायदिसिना एम्फ्रो एनलाफोरखौनो गोजोम-गोजोम जानानै थानो मोजां मोनो। जाउनाव गोबां आदारनि गोनांथि जाया। बिबिन्दो हाखर-हालानि फोसाबसाइडे हाग्रा-बंग्रा, दाखोर-दालाफ्राबो ना फिसनायाव गोबां मदत खालामो। नानि थाखाय फोसाबै हाखर, गरखायफ्राव गोबां आदार नांगौ जानानै फैया। मानो होनोब्ला बेफोरव नानि थाखाय गोबां आदार ज' जानानै थाखायो। बेखायनो बेफोरखौ सिगां नोजोर थिग्रोनानै मोजां आरो गोगो जोलेनि ना फुवान ज' गायनानै ना फिसनायनि बे गोले राहाजों बाडइ खरसा आरो बाडइ समनि गेजेराव एरैनो खामानि गैथै हान्जाफ्रा गरफा-गरनै खामायनायनि लामा ओंखारो। लोगोसे बाडइ बेसेननि गोले दिखुरा हांसो फिसा जगायनानै ना फिसनाय बादिनो सोरगिदि जेवरनि गेजेराव सम सम आरो बाडजोयावबो सम लानानै हगारलाय थिसनलाय खालामना होनानयनि राहा लायोब्ला गोख्रे देरनायनि खाबु मोनो। हांसो फिसनायजोंबो रां खामायनो हाथैनि बाध्या फैया। नाथाय बेफोर आबाद फिसनायजों गोबां मुलाफ्रा जायैआ सैथो नाथाय बेकारफोरनि थाखाय साखि-बाखि जासान्दि आखायनि खरसा फेनायाबो सैथो।

आथिखालनि रोजा-रोजा बेकारफोरखौ सरकारी मावफारिया थिसनानै जेनाखौ सुफुंनंगौया गोब्राव होन्नानै नुहरखानाय। बे बिथिडे सरकारी मावफारियाखौल' नेनानै थारुलायसाय बाडइ सम आरो एसेल' खरसाजों गोले गोले बिथिखि लानानै रां खामायनायनि राहा लानानै सरकारी अनसुंथाय मोन्नायनिबो मावफावयारी, बिबानगिरिफोरजों सोमोन्दो लाखिनया गोनांसे।

## दिनेनि फान्जामुथि

### राशि बाइदियै मुनि गिबि हांखो

मेष : अ ल बुध : ऊ ब (उ ए इ) मिथुन : क छ (ड ष) कर्कट : ड ह सिंह : म ट कन्या : प ठ (ण ष) तुला : त र बुध्चक : ब न धनु : ध भ (ङ फ) मकर : ख ज कुम्भ : ग श (स) मीन : द च (ख ज झ)

- मेष:** सुथुर जानानै थानायफोरा जोबसांलांगोन। फारफ्रोमथिबो गोजोन मोन्नो हागोन।
- बृष:** जायखिजाया फालांगि खालामनायाव रां-खावरि ख'हा जानो हागौ। खामानिफोरखौ सांग्रांडे मावनांगोन।
- मिथुन:** मोजां मोनलायनायनि गेजेराव दौलेआ गोरा जागोन। अनलायनाया बांगोन। मोजां सम।
- कर्कट:** देहाया बायदिसिना जालु-जालाया जोबनाय नडा। देहाया ख'हा जालानो हागौ। साबधान जा।
- सिंह:** गावनि आंगो लोगोआ गोमानो हागौ। गोसोखौ सान्थि मोन्नाय नडा।
- कन्या:** मोजां रंग'थि एबा गियानआ बांगोन। वयजोंबो बाखाय जानो मोनगोन। फारफ्रोमबो मोजां।
- तुला:** फालांगि मावनाया रां खावरि मुलाफ्रा मोन्नो हागोन। गोजोन्नायखौ मोन्नो हागोन।
- बृश्चक:** जेखि लामायवनो आगान सुर मानो हेंथा मोन्नो हागौ। जैबो सांग्रां जानांगोन।
- धनु:** माबा मोनसे मोजां खामानि मावनो हागोन। मुलाफ्रा मोन्नो हागोन। मोजां सम।
- मकर:** सोरनिबा अलखदआव हेफाजाब होनो हागोन। गोजोन्नाय मोनगोन। मोजां सान।
- कुम्भ:** माबाफोर गोरोन्थि हाबा मावफलांवायनो हागौ। सानै-हयै खामानिफोरखौ मावनाया गाहाम।
- मीन:** जैबो जेना-जैसि गैथै सान्थियै थानो हागोन। फारफ्रोमथिबो मोजां।

# पिअकेनि राजखान्थि दैदेनगिरिफोरा इउएनएससिनि जथुमयाव पिअकेखौ लानानै गोजोन्नाय गैथै फोरमायदों

जेनेभा, 22 मार्च : पाकिस्ताननि दखलआव थानाय काश्मीर एबा पिअकेनि राजखान्थियारि मावफारियाफोरा मंगलबारखालि जिनेभायाव इउएन सुबु मोन्थाइ परिसदिनि 52 थि जथुमयाव पिअकेनि जेना गोनांसिन जाबोनाय सुबु मोन्थाइफोरनि थासारिखौ लानानै सावयनयनि थाखाय मोनसे हाबाफारि खुंदों। जन नक्स सेन्टारआव इउनाइटेड काश्मीर पिपुल्स नेसनेल पार्टि (इउकेपिएनपि) नि बान्जायनायाव खुंनय मेलेमजिबिफोर आरो संदानगिरिफोरजों लोगोसे बाहागो लानाय जर'खागिरिफोरा गादबनाय, खाबुफोरखौ दबथायना दोन्नाय एबा सोबख'नाय आरो ओन्सोलजों लोब्बा थानाय गुबुन गुबुन आयदाफोरनि सोमोन्दै सावरायो। इउकेपिएनपिनि



आफादगिरि अमजद युसुकआ बुंदोंदि, पिअके आव सुबु मोन्थाइफोरनि थासारिया जोबोद गात्रि आरो पाकिस्तानआ गासै ओन्सोलाव गावनि गोहोमखौ गोसारहोना लाखिदों। पाकिस्तानआ गावनि बिबानगिरिफोरखौ बेवहाय

थिसन्दों। जायखौ लेन्ट अफिसार होन्ना बुंनय जायो। बिसोरो जायगानि सुबुफोरजों जेबो खौरां एबा सोमोन्दो लाखिया आरो सुबुफोरा

गावसोरनि मोन्थाइफोरखौ मोन्नायाव गोबां जेना जादों। बिथाडा हादतनि सुबुफोरनि जारिमिन आरो हारिमुखौ सिलिंखार खालामदों होन्नाबो

पाकिस्ताननि सायाव दाय जाबसिन्दों। पाकिस्तानआ गोबां बिजाबफोर आरो मान सावगारिफोरखौ होबथाना दोन्दों आरो सुबुफोरनो बिसोरनि जारिमिन सोमोन्दैथै बिजाबव फरयना मिबथिनयनि गनायथि गैया। पाकिस्ताननि सान्थिया जायगानि सुबुफोरखौ जेनायाव खोख्लौनो थाखाय ओन्सोलाव उतखारिफोरखौ बाहायदों, जर'खायै फरायसाफोरखौ जायफोरा गावसोरनि गुबै मोन्थाइखौ दाबि खालामो। युसुक आ बुंबावदोंदि, उतखारिफोरा बावैसो सिगाडव जायगानि फरायसा आफादफोरनि सायाव गाग्लोबदों, जायफोरा बाडइ बेसेनाव दिहुन्थाइ खालामनो थाखाय भारतजों सिमनानि


लामाखौ बेखेवना होनो दाबि दैखांदोंमोन। मानोना बिसोरो गोबाव समनिफ्रायनो गोख्रों बेसेन बांनयनि जेनाजों मोगा-मोगि जानानै दडमोन। बेफोर उतखारिफोरा पाकिस्तान सान्थिनि हेफाजाब मोन्नानै दड आरो सान्थिया बिसोर उतखारिखौ जायगानि सुबुफोरनि सायाव गाग्लोबना बिसोरखौ गादबना दोन्नायाव बाहायो। इउकेपिएनपिनि मिस्त्रारि बुंथिगिरि नासिर आजिजआ बुंदोंदि, गावसोर इउएन आरो गुबुन हारिमायारि फोलेफोरनि नोजोरखौ बोनानै लानो थाखाय आबुडे नाजागानिसो दड। गावसोरनि सुबुफोरा गहाय आरो गुदि बिथा मोन्थाइफोरखौ मोनाखै। लोगोसेनो बेयाव जेबो मख'जाथाव गुदि-बिथा गैया।

## संसदारि समितिआ सान्थिनि सेभिंस बाजेटखौ बारायनो खालायदों



गोदान दिल्ली, 22 मार्च : गोदान संसदारि पेनेलआ मंगलाबाराव भारतीय सान्थिनि सेभिंस बाजेटखौ बांहोनो आर'ज गाबदों। पेनेलआ पाकिस्तान आरो चीननि गाग्लोबनाय आखुनि सोमोन्दैथै बुंदोंदि, भारतीय सान्थियैया सानै सुथुर आखु दिन्थिग्रा नसुसेफोरनि सेलेन्सजों जुजिनो थाखाय गावनि गोहोखौ बारायनायनि सुबिदानि थाखाय सेभिंस बाजेटखौ बांहोनांगौ। समितिआ रैखाथि मावख'नि सान्थि प्लेटफर्मफोरनि हादतआवनो दिहुन्थाइनि फारसे जौगाखानो नाजानायखौ बाखायदों आरो आसाबो खालामदोंदि, फेनो गोनां बोसोरफोराव जाय कन्ट्रक फोसावनाय जागोन बेवहाय जौसे जौखोन्दो भारतीय कम्पनिफोरनि शेयारिं थागोन। सान्थिनि साखाथियाव नुजाथिनाय सेलेन्सफोरखौ गयखानानै संसदारि अययथा समितिआ जम्मु-काश्मीरआव पाकिस्ताननि हेफाजाब मोन्नाय सिमना बारनायनि उतखारिफोरनि मोनसे रोखा बुंफोरथियाव प्रक्सि वारसि बाध्याखौ बुंथिदों। समितिनि बायदिब्ला सान्थि हान्जाफोरनि मडानाइजेसननि थाखाय थि खालामनाय रांखास्थिखौ जेब्लायबन बारायनानै होनांगौ। सेभिंस बाजेटनि गेजेरजों मोनफ्रोम लन लाग्राफोर आरो गोदान यजनाफोरनि थाखाय मोनसे आलादा जगायथाइ थानांगोन होन्नाबो समितिआ बुंदों। समितिआ बुंबावदोंदि, 2023-24 नि बाजेटआव दै सान्थिनि थाखाय सेभिंस खरसाया 52,804.75 कौटि रं थि खालाम जानांगौ।

श्रीनगर, 22 मार्च : श्रीनगरनिफ्राय 180 किल'मिटर जन्थायाव भारत आरो पाकिस्ताननि गेजेराव बोनाय लाइन अफ कन्ट्रलआव पिअकेनिफ्राय 700 मिटर जन्थायाव शारदा मन्दिर दड। जाय जायगायाव बे मन्दिरखौ बानायनाय जादों, बेनि सेरजों किशन गंगा दैमाया बोहेलाडे, जाय दरनै हादतखौ आलादा खालामो। 1947 आव बे जायगायावनो कबालि गाग्लोबनाय समाव गासै गामि आरो बाजारखौ सावदोंमोन। शारदा पिठनि बेस केम्प, जायनिफ्राय दावबायारिफोरनि गारिया शारदा पिठनि थाखाय थाडोमोन, बेखौबो बेवहाय सावदोंमोन।



गोदानै थानो मोन्नाया हिन्दु फोलेरनि अनगायै एलअसिनि खाथियाव थाग्रा मुस्लिम फोलेरनि सुबुफोरनि थाखायबो खुसिनि सान जादों। साफ्रोमबो सुबुफोरखौ बे मन्दिरखौ गोदानै बानायफिन्नायजों गोबां थुलुंगाखानाय नुनो मोन्दों। इन्डिया टिभिजों बाध्या सावरायनानै अब्दुल हमिदआ

बुंदों, फेनो गोनां सानआ तितभालनि सुबुफोरनि थाखाय मोनसे जर'खा सान जागोन। शारदा बिमाया गावनि न'आव फेफिनबाय, बेजों हिन्दु-मुस्लिमनि खौसेथिया सोलिफिनगोन। मख'नो गोनांदि, बे मन्दिरखौ सेभ शारदा कमेटिआ 2022 आव जागायदोंमोन। बे मन्दिर खाथिआव मस्जिदबो दड।

शारदा बिमानि मु'जों बानायनाय बे मन्दिरनि मुर्तिखौ संगरि कर्नाटकनिफ्राय लाबोनाय जादों आरो बुधबारखालि बे मन्दिरआव 75 बोसोरनि उनाव आरोबाव खनसे पुजा होनाय जादों आरो बे मन्दिरखौ सिबियारिफोरनि थाखाय खुलिनाय जागोन।

No. DME/D. Pharm/358/2022/6841  
**EDUCATIONAL NOTICE**

**3rd ROUND OFFLINE COUNSELLING FOR SELECTION OF CANDIDATES FOR ADMISSION INTO THE VACANT SEATS OF 1st YEAR DIPLOMA IN PHARMACY (D. PHARM) COURSE IN THE INSTITUTE OF PHARMACY ATTACHED TO THE 3 (THREE) MEDICAL COLLEGES OF ASSAM, SESSION 2022**

This is for general information of all candidates who appeared in the Common Entrance Examination, 2022 conducted by the Srimanta Sankrudeva University of Health Sciences for admission into 1st year Diploma in Pharmacy (D. Pharm) Course in the Institute of Pharmacy attached to the 3 (three) Medical Colleges of Assam for the session 2022 that the 3rd round offline counselling for selection of candidates for admission into the vacant seats of 1st year D. Pharm course is scheduled to be held on 31st March/ 2023. Candidates applying under various reserved categories are required to produce the appropriate certificates/testimonials etc. in original issued by competent authority before the Selection Board at the time of counselling. Candidates who have full filial all the eligibility criteria for admission into D. Pharm course are hereby requested to appear in the offline counselling of D. Pharm course session 2022.

Those candidates who already got admission after 1st & 2nd round of counselling and are willing to change their institution as per available vacancy in order of merit may also appear in the 3rd counselling.

Candidates who are satisfied with their allotted institution during the 1st & 2nd round of counselling need not appear in the 3rd round of counselling and their seat in already allotted institution shall remain unchanged.

Candidates not yet admitted must bring with them all original testimonials i.e. Admit Card of CEE-2022, Marks sheets of 10+2 Exam, Admit Card of HSLC examination, Pass Certificates, Permanent Resident Certificate, Caste certificates and other relevant documents at the time of counselling. The admitted candidates who desire to change their institution shall produce their admission receipt at the time of counselling.

**31st March/2023**

**All eligible candidates of CEE' 2022**  
Venue of Counseling: Office of the Director of Medical Education, Assam Sixmile, Khanapara, Guwahati - 22.  
Time of Counseling: At 11:00 A.M.  
Candidates are directed to visit the official website of this Directorate, [www.dme.assam.gov.in](http://www.dme.assam.gov.in) regularly for updates.

Sd/- Prof.  
Director of Medical Education, Assam  
[Janasanyog/D/23936/22](http://Janasanyog/D/23936/22)

**BOARD OF SECONDARY EDUCATION, ASSAM**  
BAMUNIMADAM, GUWAHATI-781 021  
Website: [sebaonline.org](http://sebaonline.org), email: [boardassam@gmail.com](mailto:boardassam@gmail.com)

**RE-SCHEDULED PROGRAMME OF HSLC EXAMINATION, 2023**

Date & Day	Morning From 9:00 a.m - 12 noon	Afternoon From 1:30 p.m - 4:30 p.m
March, 30th, 2023 Thursday	General Science	X
April, 1st, 2023 Saturday	MIL/*English (IL)	X

N.B. : On 28th of March (Tuesday), 2023, examination of English subject will be held in 1(One) Examination Centre bearing Centre Code B23 - 0138 in the district of Cachar.

**Please Note :**

(a) 5 (five) minutes extra time is allowed from 8:55 a.m to 9:00 a.m in the Morning shift and 1:25 p.m to 1:30 p.m in the Afternoon shift to read the Question Paper only. The Officer In-Charge will arrange distribution accordingly

(b) Modern Indian Languages (MIL) : Assamese, Bengali, Bodo, Hindi, Manipuri, Hmar, Nepali, Mizo, Khasi, Garo, Karbi & Urdu.

(c) This has been issued in continuation of earlier notification No. SEBA/EX/HOLD/65/2022-23/50 dated 13th March, 2023 & No. SEBA/EX/HOLD/65/2022-23/54 dated 17th March, 2023.

Dated Guwahati  
The 22nd of March, 2023

Sd/- (Nayan Jyoti Sarmah)  
Controller of Examinations  
Board of Secondary Education, Assam  
Guwahati - 21  
[Janasanyog/D/23947/22](http://Janasanyog/D/23947/22)

No.B/HFD/33/5/Auction/3087  
Date 21/03/2023

**SHORT SALE NOTICE**

Auction Sale of 06 (Six) Nos. of Timber Lots Volume - 9.738 m<sup>3</sup> seized Old Sal, Non-Sal Sawn timber & Sal, Non-Sal Logs under Haltugaon Division, Kokrajhar 2022-23 vide DFO.s order No.223, dtd. 16/03/2023.  
Auction Sale Dated:- **23-03-2023.**

Sd/-  
Divisional Forest Officer,  
Haltugaon Division, Kokrajhar  
[IPR\(BTC\)-1402/2022](http://IPR(BTC)-1402/2022)



## फेजबुक, टुइटरफोर बायदि मुंदांखा मिडिया प्लेटफर्मफोरनि गुबै मुडा मामोन मिबथिगौ ना?

जों बयबो मिबथिगौदि, मुडव मा दड। मुंखौ जायखि दोना मानो बेवहाय जेबो थाथावा। नाथाय आथिखालनि मुगायाव मुडववो गासैबो हाबनानै थायो। मानोना मुंजोंनो सोरबा सुबु, बबेबा फर्म, बबेबा कम्पानिनि जौगाखानाय बायदिनि सिनायथिखौ मोनो। फारसेथि आथिखालनि मुंदांखा कम्पानिफोरनि बाश्रा बुडेब्ला बिसोरनि मुडववो गासैबो दड आरो बेवहाय बे सोलायनायखौ थि समाववो खालामजाबाय थायो। आथिखालनि मुगायाव मुडववो बबेबा साबसिन ब्रान्डनि खामानिबो मावो। बिबिदो आथिखालनि मुंदांखा आरो जाफुंसारनो हानाय टुइटर, फेजबुक आरो एमाजन बायदिफोरनि गुबै मुंखौ जों मिबथिगोन। अदेबानि बेफोरनि सिडव हाबनानै थानाय गुबै मुंखौ जोंनि गेजेराव गोबांआनो मिबथिया।

1. टुइटर: टुइटरआ पडकास्ट महरै बयनिखुइबो गिबिसिनै फेदोंमोन, जेराव बेनि मुडा अडिअसोमोन। गुबुन फारसेथि कम्पानियाव गोबां सोलायनाय फे नायजों बेनि मुंखौबो सोलायनाय जायो आरो टुइटर मुं दोन्नाय जायो। जेब्ला गिबि गिबियाव एफ महरै बेखौ लाबोनाय जादोंमोन अब्ला बेनि मुडा टुइटरसमोन। बेनिफाय



माखासे सम उनाववो बेनि मुंखौ टुइटर दोन्नाय जायो। 2. फेजबुक: 2003 माइथायाव आथिखालनि फेजबुकआ हाभाड इडनिभासिडिआव फेसमेश मुडे जागायजेदोंमोन। उनाव बे इडनिभासिनि माखासे नेम-खान्थिखौ सिमफायनायाव बेनि मुंखौ दा फेजबुक दोनदोंमोन। बेनि उनाव 2005 आव कम्पानिनि मुंनिफ्राय गिबिसिन दाखौ बोखारनानै फेजबुक मुंजों रेजिस्तार खालामनाय जायो। फिन खेबसेबाव बावैसो समाव बेनि मुड सोलायजाबावो आरो बेनि मुंखौ इयुनाव मेटा जागोन होन्ना थि खालामजायो। 3. एमाजन: एमाजननि बिगोमा जेफ बेजासआ बेनि मुंखौ सिगाडाव रिलेन्टलेस दोन्नो

नागिरदोंमोन। नाथाय उनाव डिक्सनाकि सार्चनि समाव बिनि नोजोरा एमाजनआव गोलैयो, जायनि उनाव बियो बेनि मुंखौ एमाजन डट कम दोनो। फारसेथि जुदि नोंथाडा बे समाव ब्राउजरआव रिलेन्टलेस डट कम सार्च खालामोब्ला थोंजोडे एमाजननि अफिसियेल साइटआव सौहैगोन। बेजों लोगोसेनो एमाजननि मुडा मुलुगनि बयनिखुइबो देरसिन दैमानि मुडाव दोनजादों। मानोना एमाजनआ बै समाव मुलुगनि बयनिखुइबो देरसिन बिजाबफोरनि गला एबा अनलाइन जागायनो लादोंमोन। 4. इनस्टाग्राम: सिगां समाव इनस्टाग्रामआ फेजबुकनि लोब्यायाव गैयामोन। बे समाव

बेनि मुडा बरबनमोन। इनस्टाग्रामनि बे मुंखौ बेनि गाइसनगिरि केबिन सिस्ट्रम आरो माइक क्रिगारनि मुडव दोन्दोंमोन। जागायजेन्नाय समाव बे एपआव लकेशन शोयारिं, चेक इन, फट' शोयारिंनि फिचारफोराल' दडमोन। 5. जमेट: आथिखालाव जों जायखौ जमेट होन्ना मिबथियो बेखौ 2010 आव लन्व खालामनाय जादोंमोन। लन्जनि समाव बेनि मुडा फु डिबे मोन। उनाव बेनि जाफुंसारनो हानायखौ नोजोर होना मुंखौ सोलायनानै जमेट' दोन्नाय जायो। बेयो अनलाइन फुट प्रभाइट एबा जाग्रा मुवा रोगाना होनायनि बिथिडव बयजोंबो अनसाइजानो हादों। □

## थुनलाइनि फिथिखा

गुसु फिथिखाखौ मोनलॉबायब्ला

नोंनि गोबों बिखानिफ्राय...

बाववो आं बोरेथो,

हाखानायथ' नड बाववो।

आंदि अराय गोजोमनोसो लुबैयो

उपले-उपले नोंनि गुवार गोबोंआववो,

नोंनिनो अननायखौ मोनफुंनो

आंनि हाबिलास जायो।

दं नोंनि राइजोआववो मानोना

बयनिखुइबो गोदेंसिन फिथाया,

जेराव आंनि गोसोआ हांखुर जायो

बै अमबृत्तनि बिदेखौ सोबनो।

नाथाय...खायसे सुबुंफ्रा आंखौ

बजबनो थानायव नोंनि अननायखौ

जावलियासो होन्ना नै बुसै,

मानोना बिसोर.....

नोंनि फिथिखाखौ मोनलॉफेराखै।

नोंबो मोनलॉफेरनाय मोनब्ला

मिथिगौमोन नोंबो अब्ला...

बै फिथिखानि बिदेखौ

बेसेदि गोथाव आरो बेसेदि गोदें।

दा आं नोंनि गोबोंयाववो थानानै

संसारनि गेना खान्थिफोरखौ

नोंनि गोबोंनिफ्राय बोहैबोनाय

गुसु दैमुनि दैजों सुसानो लुबैयो।

नाथाय ...आंवादि

नंखाय बावदा खन्थायगिरिया

आंनि आखायनि नंखाय रेबगना

नोंनि गुवार लैथोयाव गास'नो हाया,

अब्लाबो लुबैयो सानसिनो, नोंनि गोबोंआव।

दंब्लाबो जेन्नाय आरो देरहानाय

थेवब्लाबो लुबैयो हानथिनो मानोथाय,

आखायनि रेबगनखौ लोगोआव लानाय

नोंनि बै फैलाव बिखायाववो।

सुभाष बसुमतारि  
कसुगाव ( थाफ्लाज रा )

## सोलोंथाय

सोलोंथाया मा ?

सोलोंथाया जोंनि जिडनि लोगो

जोंनि बिफा।

सोलोंथाय नडब्ला

बे मुलुगआव थाना थानो

दासान सुबुंफोर।

साननो रोडब्ला गावजों-गाव

नांलाय-लायगोन खमलाय-लायगोन

सोलोंथाय नडब्ला,

गावनि खाफालनि थैखौ

जेरावबो मिथि होनो नाजा

गाव रोंब्ला मालायखौ

फोरोंनो हायो।

सोलोंथाया जोंनि बिफा

आंजों लोगोआव थाफा।

मुसि थनिजा ब्रह्म  
गामि- धावल्लिगुरि

जिला- करझार ( बड 'लेण्ड' )

## मिथिंगा

बे बुहुम बिखायाव

गोजौ गाहाय हायेन,

मिथिंगा बिखायाव

जेरैबो सोरगिदि बेंखननाय।

नायोब्ला बेसे समायना

बे मिथिंगाया,

जेरैबो दैमा, दैसा,

जिरि जिरि बोहैबोनाय।

बिफां लाइफांआव बाना

दाउसिन दाउलाया मेथाय रोजाबसै

गोसोनि हाबिलाया रिखांफैसै

अरायबो दाउसिन दाउलानि मेथाय खननाया।

बे बुहुम मिथिंगायाववो,

गोसो खुसियै, गथ-गथाया रंजाबावदों

लावखार गथफ्रा मैसोनि बिखुआव

गाखोना सिफु सुनानै मिथिंगा बिखायाव रिसारहोदों।

नाथाय अरायबो गोजोने मानसि माहारिआ

बे मिथिंगायाव आलो गोजोने रायजो जादों

अरायबो गोसोनि हाबिलाया बेखांफैदों

नाथाय गोजोन खौसेये थालायदों।

बेरे सिखिरिया, बिबाराव बिदे सोबदों,

नाथाय बिसोरनि गोमो गोथां

गाबा मिथिंगायाव समायफलेदों

नाथाय जेरैबो बिफां लाइफां, हाजो-हायेनजों

बे मिथिंगा बिखाया समायफलेनाय।

मुसि असिन्त बसुमतारि  
गामि- खासापुर, हालां बाजार

## रंजालि गथ'फोरनि सौरा

### सोमोन्दो

सोमोन्दो सोमोन्दो सोमोन्दो

सुबुं माहारिनि गेजेराव

दं गोबां रोखोमनि सोमोन्दो

बिमा-बिफा बिदा-बिनानाव

बिब'-फं'बाइ बिसि-फिसाइ बायदि आंगो

सोमोन्दो

सोमोन्दोनि बान्दोआ गोरु जायोब्ला

फैयो गावजों-गावनि गेजेराव गोजोन खौसेथि।

सोमोन्दोआनो लाबोयो जोंनो अनलायनाय

मिनिनाय रंजानाय गोजोन गासैखौबो लुफावनानै,

सोमोन्दोआ दं मुलुग बिखायाववो हाबसोनानै

हादरजों-हादर मोजां मोनसे नागारहायै सोमोन्दो।

सोमोन्दोआ जायो सासे सोरबा सिनाय मोनै

सुबुंजोंबो

सोमोन्दोआ जायो बिफां-लाइफां जिब-जुनार

दाउमा दाउसा गासैजोंबो,

सोमोन्दोआ सिमा गैया

सोमोन्दोनि दैमाया बबेनिफ्राय बोहैना बबेयाव

जोबहैगोन

बेखौबो जों बुंस' हाया।

थार सोमोन्दोनि बिदेया गोदें

थार सोमोन्दोआ सुबुंनाव जेब्ला खिलि जेनो अब्ला

सुबुं माहारिनि गोबों सानबोलावरि गोसोआ बाडे

सोमोन्दोआ जोंनि गेजेराव बुजि लायनाय

गोरोबलायनाय

आरो आंगोथिखौबो बांहोयो बेनिखायनो जोंनि

गेजेराव

थानांगौ गोथार सोमोन्दो, थानांगौ नागारहायै

सोमोन्दो।

आं खादों दिने गोदानै सोमोन्दो खन्थाइ मुलुगजों

सिमन्ने-सिमन्ना बारहुंखा बाराबो बुखारना लानो

हानाय नंड

जोंनि नागारहायै सोमोन्दोखौ,

आं खानो मोजां मोनो सोमोन्दो बुहुमनि मिथिंगाजों

आं खानो मोजां मोनो फागुननि जावलिया बारजों

सोमोन्दो

आं खानो मोजां मोनो बैसागनि बारदै सिखलाजों

सोमोन्दो

आं खानो मोजां मोनो दैज्जलानि जुब-जुब अखाजों

सोमोन्दो

आं खानो मोजां मोनो गोजां बोथोरनि खुवा खुनाय

निहोरजों सोमोन्दो।

बेनिखायनो खायो आं सोमोन्दो गोथार गोसोजों।

बिनाराम बसुमतारि  
भगवान ( सिलाफोथार ),  
धेमाजी

## आंनि फोथाराव

नै, गोसो

हमथा नों आंखौ,

नों दाहगारसै

आरोबाव आंखौ

गोदाव-सोरावयै।

मेंगिल हाबबाय दिने

आंनि गासिबो देहा सोलेर,

लामा दथानि

हायाव गोल्लैसोना थानाय

दाखोर बिलाय बायदि

लुबैदों आंबो दिने

सिरियै उन्दुघोनानै थानो।

मोजां मोनलायनायनि

खेला गेलेयै-गेलेयै

सिमाडववो सिमां सुजुनानै

आं दिने

एसेबां गोजान सौफैबायदि

आं आरोबाव एसेबो

आगान सुरनो हालिया।

आंनि लामानि

मोनफ्रोमबो आगानाववो दड

बोखारख' हायै सुफोर।

आंनि फोथाराव दिने

सानाव सान नुलिया,

आरो हराव अखाफोर नुलिया।

आं गिदोंसै दिने

आंनि फोथाराव.....

गाबोन मा जागोन।

गोजासिवदों सोलेरा आंनि

बेखौनो सानै सानै।

मिजिं नार्जरी  
गरुभासा, चिरां

### टेड्रिकटिस खनथाइ

नों

बिजाब

फरायबा

लॉनो हायो

मुलुगनि गियान लैथोन रोसि

जाय

बिजाब

फरायनाय

थालिम गैया

बिथाडनो जागोन खाफाल मोनदा

नों

धोरम

बिजाबाव

मोननो हागोन

खानथियारि गोसोथियारिनि

नों

धोरम

बिजाबखौ

फरायथौबा

नोंनि जिउवाव मोननो हागोन सोरां

नै

मोखां

बिजाबनि

जिउ लोगोफोर

खनथाइनि थिलिआव दासो खावब्ला..

-रैदोम बर',  
माजदिया, बगुलामारि,  
बावसा

## देरहासाद

जागोन जों इयुन जोलैनि देरहासाद

जागोन जों बर' हारिनि देरहासाद,

फोथांगोन जों हारिखौ

सिबिगोन जों माहारिखौ।

गोदोसोना थानाय बर' हारिखौ

नाजागोन जों बोखांनो

बर'नि हारिमुखौ बोखांफिनो

जागोन जों जेब्लाबो थियारि।

धोरमखौ लानानै दावगागोन जों

एना-एनि सान्नायखौ फोजोबझांगोन,

हारिखौ अराय गोजौआव दैखांगोन

जागोन जों जेब्लाबो देरहासाद।

बर' हारिखौ खौसे खालामगोन जों

हारिनि अराय खोमथा फिरफिला बिरहोगोन,

जागोन जों जाफुंसारगोन

हारिखौ अराय गोजौआव दैखांगोन।

जि. के. एकाडेमी, दतमा  
मुसि दिबाकर ब्रह्म  
गामि-फाटाकाटा

## आंनि गोसोनि दुखु

आं जाबाय सासे

निखाउ

## राबां दखरा एबसुआ 10 साननि थाखाय बेसेन नाडै हारिमु मावबादा खुंदें

मुसलपुर, 22 मार्च: बड'फा गोजेरथियारि सोलायनाय मावथांखिखौ बिथा खालामनाने राबां दखरा एबसुआ 615 नं राबांगुरि गुदि फरायसालिनि लांगोनायाव 10 साननि थाखाय खाम, सिफुं आरो सेरजा दामजुनि सायाव मोनसे हारिमु मावबादा एबा बेसेन नाडै फोरेंथाड हाबाफारि खुंदें। बे फोरेंथाड हाबाफारिखौ बेखेवना होयो बर'नि मुंदांखा फावगिरि फैला जे बरगारियारि बिथाड आरो बे हाबाफारियाव बाहागो लाफैयो बाकसा जिला एबसुनि लोगो आफादगिरि भारत बर', राबांगुरि भिस्डिसिनि मासिगिरि हिरण्य बसुमतारि आरो राबां दखरा एबसुजो लोकोसे ओन्सोलनि समाज सिबियारिफोर बाहागो लायो। मख'नो गोनादि, बे हारिमु मावबादायाव खाम, सिफुं आरो सेरजा फोरेंतो थाखाय साथाम फोरेंगिरि, जयसन गयारि, कमल बर' आरो रुपनाल बसुमतारि मोनखौ राबां दखरा एबसुआ लाबोना बे हाबाफारिखौ मावफुडे। हारिमुखौ बिथा खालामनाने हारिमु, हारिया थानाने थानायखौ नोजोर बोनाने फैला जे बरगारियारि आ मावबादायाव बाहागो लानाय लाइमोनफोरखौ बर' माहारिनि दामजुफोरखौ लानाने खाथिनि गामिफोरव बेसामो मोसानो थाखाय खावलायो आरो गावनि आखायनि रं खरसा खालामनाने बे हाबाफारियाव गोनांथि जानाय जि-जोमफोरखौ बायनाने होफेगोन होनाने बुडे आरो बे हाबाफारिखौ बान्जानयो थाखाय राबां दखरा एबसुखौ खावलायहरो। बर' माहारिनि सिनायथि दामजुफोर खाम, सिफुं, सेरजा आरो जथा बायदि दामजुफोर मोनसे समाव गोमा लानो हमाबायमोन, अदेबानि मोनसे समाव बर'नि दामग्रा आगजुफोर दंवाबो दामग्रा गैलामोन आरो बेखौनो नोजोर होनाने एबसुआ दखरा, जिल्ला थाखोनि मावबादादि गेजेरजो फोथाफिन्नायनि थाखाय फैला जे बरगारियारि आ बे बायदि मावबादा खुंदाने गाव हारिनि, हारिमुनि दामजुफोरखौ रेखाथि होबोनानयि थाखाय एबसुनि समावय र' जासिहरो।

# बजालियाव नोगोर आफादया खाजोना बांहोनायनि हेंथायै तूनमुल कंग्रेसआ सोमावसारदों

भवानिपुर, 22 मार्च: आसाम सरकारया राइज्योयाव नोगोर आफाद आरो नोगोर आफादनि सिडव थानाय नोगोरारिफोरनि सायाव खाजोना बांहोना थंखि लानायखौ गोखों हेंथा होनाने तूनमुल कंग्रेसनि बजालि जिल्ला आफादया दिने बजालिनि पाठशाला नोगोर आफाद मावख'नि मोखाडव सोमावसारो। आसाम प्रदेश तूनमुल कंग्रेसनि लेडाइ आफादगिरि जाहाजत हुसैड, जाकिर हुसैडन सिकदार, गाहाइ नेहाथारि हारुनु रसिद, गामि तूनमुल कंग्रेसनि देदेनगिरि खगेन कलितजो लोकोसे गासै सा 200 निबो बांसिन तूनमुल कंग्रेसनि देदेनगिरि-मावथिफोर नोगोर आफादनि खाजोना बांहोनायनि हेंथायै सानजोफुनि 11 रिगानिफ्राय 1 रिगानिसम सोमावसारनाय हाबाफारि खुडे। सोमावसारनाय



बाहागो लानाय तूनमुल कंग्रेसनि देदेनगिरि-मावथिफोर बिजेपि सरकार बेरेखा स्ल'गान होनाने नोगोर आफादनि खाजोना बांहोनाय थंखिखौ बोखारफिनो दावि देखानाने बजालि महकुमानि उफा

दैखाडो। सोमावसारनायनि जोबनायाव आसाम नोगोर आफादनि खाजोना बांहोनाय थंखिखौ बोखारफिन्नांगीनि दावि देखानाने बजालि महकुमानि उफा

जिल्ला बेंगिरिनि गेजेरजो आसाम सरकारनि गाहाइ सेक्रेटारिनिसिम तूनमुल कंग्रेसनि बजालि जिल्ला आफादनिफ्राय गांसे गोसोखों लाइ दैथाय हरो।



## उतखारि आरो रेखाथि सान्थिनि गुलि गावलायनायाव आइएसआइनि सासे ब्रिगेडियारिनि जिउ गोमादों

इस्लामाबाद, 22 मार्च: पाकिस्तान आ थानाय माखासे दाननिफ्रायनो रंखाथि आरो राजखान्थियारि खेफोदजों मोगा-मोगि जानाना दड। बावैसो सिगां सानफोरव हादतनि रेखाथि हान्जानि सायाव उतकारिफोरनि गालोबनाया बरगारिनि जाबेदों आरो बेवहाय पाकिस्तान सान्थिनि गोवां जवानफोरजों लोकोसे अफिसारफोरवो जिउ गोमानांदों। बेबायदि मोनसे गोदान जाथाय बजिरिस्तानआव जादों। बेवहाय उतखारिफोरजों गुलि गावलायनायाव पाकिस्ताननि संगालि एजेन्सि आइएसआइनि सासे ब्रिगेडियारिआ जिउ गोमायो। रिपटनि बायदिब्ला बे जाथायाव ब्रिगेडियारि मुस्ताफा कमल बर्कि आरो बनि ड्राइभरआबो जिउ गोमायो। पाकिस्तान रेखाथि बिबानगिरिफोर आरो पुलिसआ फोरमायनाय बायदिब्ला उतखारिफोर आफगानिस्तान सिमनाजों नांजाबनाय पाकिस्ताननि सा-सोनाब ओन्सोलाव बिसेरनि गारिखौ नोजोर होना थानाने गालोबदों। सान्थिनि मिडिया ब्रान्ज 'इन्टर साभिसेस पब्लिक रिसेसन्स'आ बुंदोंदि, खोला बजिरिस्तानआव इन्टरसाभिसेस इन्टिलिजेन्स (आइएसआइ) नि ब्रिगेडियारि मुस्ताफा कमल बर्किनि जिउआ बे उतखारि गालोबनायाव गोमादों। सान्थिनि बायदिब्ला बे गालोबनाय आरो गुलि गावलायनायाव ब्रिगेडियारिनि हान्जानि गुबुन सा 7 सोद्रोमाफोर जोखोम जादों। जोखोम जानायफोरनि गेजेराव सानेनि थासारिया गोब्राब होनानो खौर मोन्दों। आइएसपिआरआ मोनसे फिन्नायाव बुंदोंदि, ब्रिगेडियारि आरो बिथानि हान्जया गुलि गावलायनायाव समाव गोखों साहज दिन्थाने जोहोलाव आखुजों उतखारिफोरजों जुजिदों। ब्रिगेडियारिआ गावनि हान्जानि बयनिखुडबो सिगांसिनाव थानाने उतखारिबो थोजिना गावनि जिउजो हादतनि थाखाय बाउलांबाय। पाकिस्ताननि सान्थि आरो संगालि एजेन्सिफोर हादतनि मोनफोमबो खानानिफ्राय उतखारिफोरखौ फोजोबसांनो थाखाय थंखि दड होनानो आइएसपिआरआ बुंदों। पाकिस्ताननि गुबुन हादतयारि मन्थि बिलाबल भुट जरडारिया ब्रिगेडियारि बर्किनि जिउ गोधानायाव दुखु फोरमायनाय बिथानि जिउ बाउनायखौ आद्रियै थांहोनाय जानाय नड होना बुडे।

## नोगोर आफादनि खाजोना बांहोनायखौ कक्राझार जिल्ला तूनमुल कंग्रेसआ बेरेखा खालामदों

गसाइगाव, 22 मार्च: राइज्योनि गुबुन गुबुन ओन्सोलजों लोकोसे दिने गसाइगाव नोगोर आफाद मावखुलिनि लांगोनायाव आसाम तूनमुल कंग्रेसनि कक्राझार जिल्ला आफादनि बान्जानयायाव हेंथा सोमावसारनाय हाबाफारि खुडे। हेंथा सोमावसारनाय हाबाफारियाव बाहागो लानाय दोलोयारि मावफारियाफोर नोगोर आफादनि खाजोना बांहोनायखौ बन्द' खालाम नोगोर आफादनि गोवां खाजोना लानाने नोगोरनि थागिरिफोरनि सायाव उदखार बन्द' खालाम, बेसेन बांनय राइजो-रजाफोरनि सायाव सोमावसारो नोगोर



आफादनि खाजोना जाबिसिन्नायनि हेंथायै। खुद्रिखानाया हाबाफारियाव कक्राझार जिल्ला तूनमुल कंग्रेसनि आफादगिरि उतम तालुकदार, गाहाइ नेहाथारि दिपक दे, राइज्योयारि तूनमुल कंग्रेसनि मावफुं आफादनि सोद्रोमा आरो बरग' मन्थि रजन्दे मुसाहारिमोनजों लोकोसे गोवां तूनमुल कंग्रेसनि मावफारियाफोर बाहागो लाफैदों। खुद्रिखानाया हेंथा सोमावसारनायनि उनाव महकुमागिरिनि गेजेरजों आसाम सरकारनि गाहाइ नेहाथारिनिसिम दैथाय हरो आरो गोसोखोंलाइनि गसाइगाव नोगोर आफादनि बिबानगिरिनि गोसोखोंलाइ गथायो।

(□ 1 बिलाइनिफ्राय)

(□ 1 बिलाइनिफ्राय)

(□ 1 बिलाइनिफ्राय)

## आजिरा मोन्नाय अंगनबादि मावफारिया-हेफाजाबगिरिफोरनो अन्सुंथाय गथायदों

मावफुंजानाय बायदिदियै 60 बोसोर बैसोयाव आजिरा मोन्नाय अंगनबाडी मावफारिया आरो हेफाजाबगिरिफोरनिसिम एककालिनि रंखाथि अन्सुंथाय गथायनायनि थाखाय राइज्यो सरकार थंखि लादों। बेनि सिडव अंगनबाडी मावफारियाफोरनि थाखाय 4 लाख राडै; फिसा अंगनबादि मिरुनि मावफारियाफोरनि थाखाय 3 लाख राडै आरो हेफाजाबगिरिफोरनि थाखाय 2 लाख राडै एककालि अन्सुंथाय होनायखौ थि खालामनाने हाबाफारि बायदिदियै फारियै गथायनाय राहा खालामनाया जादों। बेनि अनगायैबो जायफोर अंगनबादि मावफारिया, हेफाजाबगिरिफोर लान्थियै 10 बोसोर सिबिथाय होनाने गावनि गोसो बायदिदियै आजिरा लादोंमोन बिथामोनहा बिथामोनो 50 जौखेन्दो आजिरा लानायनि अन्सुंथाय गथायनायनि बिथंखि आजिवना लादों राइज्यो सरकारआ। बेबायदिनो लान्थियै 10 बोसोर सिबिथाय होनाय सोरबा अंगनबादि मावफारिया एबा हेफाजाबगिरिआ रंसारि जानाय थासारियाव बिथामोननि नख'रिनोबो बे अन्सुंथायखौ गथायनाय जागोन। गिबि मन्थि उ शर्माआ बे थंखिनि सिडव दिनेनि हाबाफारियाव गथ'साफोरनि सिबिथायव नांथाबनाने आजिरा मोन्नाय सा 394 अंगनबादि मावफारिया आरो सा 399 हेफाजाबगिरिजों लोकोसे गासै सा 793 अंगनबादि मावफारिया आरो हेफाजाबगिरिफोरनो गिबि खोलोबाव आजिरा मोन्नायनि अन्सुंथाय गथायनो थंखि लायो। बेखौ लोब्बा लानाने गावनि बिबुंथियाव गिबि मन्थि उ शर्माआ मख'दोंदि, हादतनाडेनि राइज्योफोरनि अंगनबाडी मिरुफोरव अंगनबादि मावफारिया आरो हेफाजाबगिरिफोर दडब्लाबो बिथामोनहा आजिरा मोन्नायनि उनाव मान होनायनि नेसोंन महरै बेबायदि धोनफोरखौ गथायनायनि बिथंखिडव आसामआनो जाबाय गिबि राइज्यो आरो बे रंखाथि अन्सुंथाय नोम्नायनि गेजेरजों आजिरा मोन्नाय अंगनबाडी मावफारिया आरो हेफाजाबगिरिफोर बाउडब्लाबो मुलाम्फा मोनगोन होनाने बुडे। खामानिनि बिथंनिफ्राय आजिरा मोन्नाय सुबुंफोरनि खाबुनि थाखाय गाहाइ मन्थि नरेन्द्र मदिआ गुबुन गुबुन बिथंखि बाहायनायनि बाध्नाखौ मख'नाने गिबि मन्थिआ बुदोंदि, राइज्योनि अंगनबादि मावफारिया आरो हेफाजाबगिरिफोरखौ जेब्ला उरनि समाव अटल पेन्सन बिथंखियाव थिसन जायो आरो बे बिथंखिनि माखासे प्रिमियामखौ राइज्यो सरकारनिफ्राय गथायनायनि राहा लानाय जायोब्ला बिथंखिआ गोवां मुलाम्फा जागोन। आजिरा मोन्नायनि उनावबो अंगनबादि मिरुफोरनि मावफारिया आरो हेफाजाबगिरिफोरखौ गाव-गावनि मिरुसिम सम-सम थानाने बोसोन-बिथोनमा होबाय थफैनो खावलायनाने गिबि मन्थिआ फोरमायदोंदि, आजिरा मोन्नाय जायफोर फोरेंगिरिआ थाखोयाव फिन फरा-फारि फोरेंथाय होनो गोसो जायोब्ला, बिसेर फोरेंगिरिफोरनो फरा-फारि फोरेंथायनि गनायथि होनायनि थाखाय राइज्यो सरकारआ थंखि लादों। सोलेंथाय फसंथान आरो फरायसाफोरजों फोरेंगिरिनि सोमोन्दोआ जाहाथे थाबाय थयो आरो फरायसाफोरबो जाहाथे बि फोरेंगिरिनि गोबाव साननि रेंगोथिनिफ्राय मुलाम्फा मोनो हायो। बे थंखिजोंनो राइज्यो सरकारआ बेबायदि हाबाफारिखौ आजिवना लादों होना उ शर्माआ बुडे। गिबि मन्थि उ शर्माआ बुदोंदि, गथ'सा आरो बिमाफोरनि अन्सायनायनि थाखाय लानाय गुबुन गुबुन सरकारि बिथंखिफोरनि थाखाय आथिखालाव आइजो आरो गथ'सा जौगाखों बिफाननि गोनांथिया बादों। बिथाड बुदोंदि, उन्दै बैसोयाव जुलि जानायनिफ्राय होबथानायनि बिथंखिवनो बिफाननो गोवां गोनांथि होनाय जागोन, मानोना 2006 माइथयनि गेजेराव राइज्योनि समाजखौ उन्दै बैसोयाव जुलि जानायनि थासारिनिफ्राय उदों खालामनो हायो। बिथाड लोकोसे फोसावदोंदि, राइज्यो सरकारआ गासै 4 रोजा अंगनबादि मिरु गोदाने लुफुंगोन आरो फैगो 7-8 बोसोरनि गेजेराव राइज्योनि गंग्रोमबो अंगनबादि मिरुखौ गोदान महर होनायनि थंखि लानाय जागोन। गिबि मन्थि उ शर्माआ दिनेने हेबाफारियाव गोमो देहायाव थानाय सा 5 गथ'साफोरनो अन्थोब गथायनायजों लोकोसे नोगोरमनि बनगाव अंगनबाडी मिरुनि माखासे उन्दै-उन्दै गथ'साफोरजों दसे सम थानाने सावरायलायो।

## गुवाहाटीआव बारग' हादतगिरि ...

हकजों लोकोसे आसाम सरकारनि मन्थि चन्द्रमहन पाटवारिआ बराय फैयो। गुवाहाटी नोगोरमनि इउएस्टिमआव गावोन एबा बृहस्पतिबाराखालि मोनसे जर'खा हाबाफारियाव बारा' हादतगिरिआ बाहागो लागोन। मख'नो गोनादि, बखार उरं गाथोननिफ्राय गोखों रेखाथि राहाजों बारा' हादतगिरि रामनाथ कबिन्दखौ थानो गोनां जायगासिम लानाने थानाय जादों होनाने सुलुडव मिथथि होदों।

## मिरुनि राइज्योयारि मन्थि डा:..

थुलुंगाखों होयो। मन्थियाय नायगिदंहेनाय समाव बाकसा जिल्ला बेंगिरि माचान्दा मेकदालिनि पार्टिनि, उफ्रा जिल्ला बेंगिरिजों लोकोसे जिल्ला आबाद बिबानगिरि दुलाल दास, तामुलपुर महकुमा आबाद बिबानगिरि कमलज्यति दास, तामुलपुर खाजोना बेंखन बिबानगिरि उहेदुर रहमानजों लोकोसे बिफानारि बिबानगिरि-मावफारियाफोरबो बाहागो लायो।

## कुमारिकातायाव बिपिएफ दोलोया सुबुं सांग्रांथियारि ...

जायफोर सुबुंफोर जिउ खुंबेदों, बिसेरो बिटिसिनिो सुबुं। बिपिएफ दोलोआ बे होखानायाखौ गोखों हेंथा होगोन। बिटिसियाव होखारसाडोब्ला रावबो जेरावबो थानो नाड। गाव-गावनि जायगायावनो थामोन। होखारसांनयनि अखानायैनो जों होखारसांनयनि सुबुंफोरनो न' लुना होगोन होनाने महिलारीया बुडे। बिथाड बुंवावोदि, प्रमद बर'आ बिटिसियाव मा मावदों मा मावाबे राइजो-रजाफोर गुनासिनो दड'। प्रमद बर'आ थाम बोसोराय जेबो खोमानि मावाबे। थाम बोसोराय बिटिसियाव जेबो जौगाथाय जायखै। फैगो लकसभा बिसायख'थिनि सोमोन्दै बिथाड बुडेदि, 2024 माइथयनि लकसभा बिसायख'थियाव बिपिएफआ देहागोनया रोखा। लकसभा बिसायख'थियाव बिपिएफआ मोनसेबो दोलोजों लोको जायालासिनो कक्राझार आरो उदालगुरि मोनने बिथावव हारसिडेनो बिसायख'थि गेलेगोन। फैगो अक्टबर दानाव बिपिएफनि मोनसे गिदितथार सुबुं गौमा खुंनया जागोन आरो बे सुबुं गौमायावनो खुंनो गोनां लकसभा बिसायख'थिनि थाखाय बिपिएफ दोलोनि बिजाथिनि मुंखौ फोसावनाय जागोन होनाने बिपिएफनि आफादगिरि हाग्रामा महिलारीया बुडे। दिने खुंनय सुबुं सांग्रांथियारि मेलखौ बेखेवना होयो बिपिएफनि देदेनगिरि गितानद नाजरीया। मेलाव बिटिसिनि बारा' मावफुं सोद्रोमा जगदिस सरकार, गखां सेलनि आफादगिरि नन्दलाल ममार मोनहाबो बाहागो लानाने बिबुंथि होयो। गासै सा 3 रोजानिबो बांसिन राइजो-रजाफोर नुजाथिफेनायाव खुंनय मेलाव बिपिएफनि गाहाइ नेहाथारि एबा बारा' एमएलए मनेश्वर ब्रह्म, बिटिसिनि बारा' मावफुं सोद्रोमा गनेश कसारि, लाइमोन बिपिएफनि आफादगिरि एबा एमएसएलए जय मुसाहरीजों लोकोसे दोलोनि गोवां देदेनगिरि-मावथिफोरबो बाहागो लायो।

## पुलिस बिथोनगिरि गाहाइया उन्दै बैसोयाव हाबा जानायनि हेंथायै थानाय गसरफोरनि ...

गसरफोरखौ नायबिजरायखौ गोखै खालामनाय, खारखुमाना थानाय दायनिगिरिखौ नागिरनाय, बोसांजया लासेनो थानाय गसरफोरनि अन्जमाखौ बाडइ खालामनाय, अजद थिसननाय आरो दायनिगिरि हमनायखौ बांहोनाय, आइजो आरो गथ'सानि हेंथायै दाय गोनां गसरफोरनि नायबिजरायखौ गोखौ खालामनाय बायदि आयदाफोरजों लोकोसे लामानि जाब्रबथायनि सोमोन्दै गसरफोरखौ जे जर'खा गोनांथि होनाय जायो। जथुमाव दानफ्रेमबो बे सावयय जथुमाव लोकोसे फैगो दानिफ्राय बे बिथिडव साबिसनि दिन्थिफुनो हानाय जिल्लानो बाक्सा होनो थाखायबो थंखि लानाय जायो।

## गेनाखान्थि होबथाग्रा हान्जाआ साथाम ...

बचवारखौ 3 रोजा रं लानाय समावनो लोलो-लोको होमो। मन्डलजों लोकोसेनो गुबुन सासे दालालखौबो हमनाय जादों, रजेश ताँती मुनि सासे दालालखौबो हमनो मोनो। बेजों लोकोसेनो गेनाखान्थि होबथाग्रा दालाइआ रं घुस लाबाय थानाय समावनो थंजोडे। गुवाहाटी नोगोर आफादनि सिफ इन्जिनियार इन्ड्रीजत बरा मुनि सुबुंखौ हमनो हायो। सिकिउरिदि दोन्याय जमा धोनखौ बख'नायनि मुडव थाखाय सासे सुबुंनिफ्राय रं दाबिदोंमोन बराया। बराया दिने बे रंखौ घुस महरै आजिवना लानाय समावनो गेनाखान्थि होबथाग्रा हान्जा हमनो मोनो। फारसथि बाधबव रं घुस लानायनि थामथि जाथाय सोमजिबावयो। बाधबर रेंथिनउ सार्केलनि लात मन्डल महम्मद आजहार आलिखौबो 20 रोजा रं लानाय समावनो गेनाखान्थि होबथाग्रा हान्जा होमो। राइज्योयाव गेनाखान्थिनि हेंथायै लाथिख' सहायनाय नेमखान्थि आजावबोनाय सरकारआ आथिखालाव माखासे गेनाखान्थिजों लोब्बा थानाय बिबानगिरि-मावफारियाफोरखौ हमनाने होखारदोंब्लाबो बेबायदि जाथाय आथिखालावबो सोलिबाय थानायखौ नुनो मोन्नाय जादों गुबुन गुबुन सरकारि मावखुलियाव।

## आइन आफाद बियाबनि सिमना थि खालामनायनि सोमोन्दै गिबि मन्थिजों जुथाय...

भारतआरि बिसायख'थि आयगनि थान्दैफोर आसामआव दावबायनायनि सोमोन्दैबो मख'ना होदों। मिबथिनो मोन्नाय बायदिदियै जथुमयाव फैगो रडलि बिहु-बैसागु खुंफुनायजों लोकोसे आसामआव खुंजानो गोनां आद्रा थानाय जि-20 जथुम्मानि सोमोन्दैबो सावरायलायनाय जायो। जथुमनि सिगां गिबि मन्थि उ हिमन्त बिश्व शर्माआ बुदोंदि, राइज्यो सरकारआ राइज्योनि चर ओन्सोलनि जौगाखानायायनि थाखाय एमएलएफोरनो जर'खायै हेफाजाब होगोन। आसाम आइन आफादनि खुंजाबाय थानाय बाजेत जथुम्माखौ सदनव गिबि मन्थि शर्माआ आसामनि चर ओन्सोलनि जौगाखानायाखौ गोनांथि होनायनि सोमोन्दै बिबुंथि होयो। बिथाड बे ओन्सोलनि एमएलएफोरखौ बिबान लानो आरो बिसेरनि जेनाफोरखौ सुलाव लानो खावलायो। गिबि मन्थि शर्माआ बुदोंदि, बे आयदा सुलाव खावलायो थंखि आजिवना लायोब्ला एमएलएफोरनो सरकारआ हेफाजाब होगोन। जोडे गोदान जोलेखौ दिहुना लाबोनांगोन। लोकोसे बिथाड बुदोंदि, गोदान बिरोदमिनिफ्राय जानगाराव थानायखौ फोजोबसांनयनि बिथिडव जोडे खामानि मावगोन। साफ्रोमबो एमएलएफोरखौ चर ओन्सोलखौ जौगाखोंहोनो थाखाय नारा-नाथायै खामानि मावनो खावलायदों। चर ओन्सोलनि जौगाखानायायनि थाखाय एमएलएफोर राइज्यो सरकारनि मोनफ्रोमबो बिफाननि बिथंखिनि हेफाजाब ला। गिबि मन्थि उ शर्माआ बे ओन्सोलफोरनि जौगाखानायायनि राइज्योयारि खामानि-दामानि बिफाननि धोन बाहायनायनि सायावबो गोनांथि होदों। बेनि उनावनो आसामनि गिबि मन्थिआ जर'खायै मायन रिदि थानाय ओन्सोलनि एमएलएफोरखौ बराय मान बाउनाने राइज्योनि चर ओन्सोलखौ जौगाखों होनायनि बिबान, आबहावा आरो हाग्रा, एक्ट इष्ट पलिसि एफेयास आरो आसाम सरकारनि माइन रिदि अन्साय बिफाननि बिबान होनाने फोसावहोयो।

## भवानिपुरआव लाभ जिहाद

सानैबो सानब्रै थानायनि उनाव थानाय मंगलबाराखालि मोनाबिलिनि 5 रिगासोयाव बिसेर सानैबो मालिगावनिफ्राय ब्रह्मपुत्र एक्सप्रेस ट्रेनजों दिल्ली फासै थानोंमोन। मख'नो गोनादि, भवानिपुर पुलिस आउट पस्टनि बिबानगिरि देबजित गिरि आरो लोको लेडाइ नायदिगिरि किशर शर्मानि देदेनायाव पुलिसया लाभ जिहादनि सानैबो हौवासा-हिन्जावसाखौ नागिरनो थानाय सानब्रैनिफ्रायनो हाबाफारि लादोंमोन। जोबथारनायाव थानाय हरनि समाव सानैबो हौवा-हिन्जावसाखौ दिल्ली फासै थानाय सुलुं मोनाने गुवाहाटीनिफ्राय आफानि गंग्रोमबो रेल स्टेशनव भवानिपुर पुलिसआ नागिरनाय हाबाफारि लादोंमोन। दिने सोरसि बुब्लिनि 3 रिगासोयाव फालाकता रेल स्टेशनव स्टेशन पुलिसनि हेफाजाबव भवानिपुर पुलिसनि बिबानगिरि देबजित गिरि आरो लोको लेडाइ नायदिगिरि किशर शर्माया लाभ जिहादनि हौवासा-हिन्जावसा सानैबो हौवो हमनो हायो। दिने हमनो हानाय लाभ जिहादनि हौवासा-हिन्जावसा सानैबो मोनाबिलिनि 5 रिगासोयाव भवानिपुर पुलिस आउट पस्टिसिम लाना फैयो। पुलिसआ हौवासा-हिन्जावसा सानैबो जेरा खालामासिनो दड' होनाने सुलुड फोरमायदों।

## ज'नाइ गुदि बर' थुनलाइ ...

आफादनि आफादगिरि फुलेस्वर दैमारी, ज'नाइ दखरा दुलाराइ बर' फरायसा आफादनि आफादगिरि आरो गाहाइ नेहाथारि-मावथिफोरजों लोकोसे ज'नाइ दखरा आइजो अन्साय आफादनि आफादगिरि आरो गाहाइ नेहाथारि आरो मावथिफोर बाहागो लायो। बे मेलाव दखरानि बारा' देदेनगिरिफोरजों लोकोसे गासै गं बा गामि देदेनगिरि आरो राइजो-रजाफोर बाहागो लानाने मेलखौ जाफुंसार होयो। फेबाय थानाय समाव बर' बिजोंखौ फोथाना लाखिनो थाखाय आरो फरायसालिखौ रेखाथि होनो थाखाय राइजो-रजाफोर खोथा होयो होनाने सुलुड फोरमायदों।

## गसाइगावयाव सरकारि पेन्सनार आफादनि ...

गाहाइ नेहाथारि पेशे चन्द्र ब्रह्म, मिरु आफादनि सोद्रोमा रन्जित कुमार राय, मयजुदिन आहमेद मोनहा बिबुंथि लाखियो। जथुम्मायाव 80 बोसोर बैसोनि सा 6 सुबुं फारियै पद्यश्री उ कामेश्वर ब्रह्म, निलमनि साहा, ज्यतिन्द्र नाथ हाजवारी, हर किशर ब्रह्म, तरुन कुमार नाजरी आरो सहेन्द्र नाथ ब्रह्मखौ मान बिलाड, साथा, बिहु फालि, बान्थाजों मान बाउवो। जथुम्मायाव गोजाम आफादखौ सिमफायनाने 2023-25 बोसोनि थाखाय बेधनाथ साहाखौ आफादगिरि आरो खनिन्द्र नाथ दासखौ गाहाइ नेहाथारि महरै लानाने गासै सा 27 सोद्रोमानि दालाइ आफादखौ दाफुंनय जायो।

# रुंसारि फावखुंगुर जेमिनि गणेशनआ रमान्टिक सावथुनफोरनि थाखाय मुंदांखा जानो हादोंमोन

तामिल सावथुन मुंदांखा फावखुंगुर जेमिनि गणेशनआ 2005 नि 22 मार्चआव चेन्नाइआव रुंसारि जादोंमोन। साउट सावथुन मुंदांखा फावखुंगुर आरे बलिउड फावखुंगुर रेखा नि बिफा जेमिनि गणेशनआ गावनि समआव रमान्टिक सावथुनफोरनि थाखाय मुंदांखामोन। जेमिनि गणेशनआ गावनि के रियारआव सावथुनफोरनि हामसिन हिट सावथुनफोरनो होंदों, जायखौ सुबुंफोरा दिनेसिमबो नायनो



मोजां मोनो। जेमिनि गणेशनआ गावनि सावथुन के रियारजों लो गोसे गावआरि जिउनि जाहोनावबो खौरांआव थायोमोन। जेमिनि गणेशनआ



3 खेब जुलि जादोंमोन। 1920 नि 17 नभेम्बरआव तामिलनाडुनि पुडुडुकट्टुइआव जोनोमो मोन्नाय जेमिनि गणेशननि रुंसारि जानायाव

बिनि फिसाजो रेखानि मेगनआव मोदेखौ नुनो मोनाखौमोन। मोनसे रिपटनि बायदिब्ला रेखाया बुंदोंमोन, गाव जेमिनि गणेशननि रुंसारि जानायाव दुखु फालिनो हास्थया मानोना गावहा बिजों जेबो सोमोन्दो गैयामोन। रेखाया गावनि इन्टरभिउआव बुंदोंमोन, गावनि सायाव बिफानि जेबो जर'खा बिहोमा गैया आरे बियो गावनि सानखा' जानायाव ल' थाफादेरदोंमोन। मख'नो गोनादि, जेमिनि गणेशननि नैथि

बिसि पुष्पावलनि फिसाजो रेखाया बियो सानैनि जुलिनि सिगां जोनोमो मोन्दोंमोन। जेमिनि गणेशननि केरियारनि बाश्राखौ बुडेब्ला बिसोर गावनि सावथुन केरियारखौ 1947 आव सावथुन मिस मालिनीजों जागायदोंमोन। बियो 1953 आव सावथुन थाइ उलम'जों सिनार्याथि मोन्दोंमोन। बे सावथुनाव जेमिनि गणेशनआ भिलेननि फाव खालामदोंमोन। फारसेथिं गाहाइ पावखुंगुर महरै जेमिनि गणेशनखौ 1954 आव सावथुन मनम पला मंगलमआव नुनो मोन्दोंमोन। जेमिनि गणेशनखौ तामिल सावथुननि कादल मन्नान 'कि अफ रमान्स' बुंनय जायोमोन। जेमिनिनि जोबथा सावथुन 'अव्वइ शनभुगी'आ 1996 आव रिलिज जादोंमोन। जेमिनि गणेशननि गावआरि जिउनि बाश्राखौ बुडेब्ला बिनि गिवि बिसिनि मुड अला मेलुमोन। जायजों लो गोसे फावखुंगुरनि सा 4 फिसाजोफोर दडमोन। बेनि उनाव जेमिनि गणेशननि सोमोन्दोआ पुष्पावल, साभित्री आरे जुलियानाजों सरजाबो। जेमिनि गणेशन आरे पुष्पावलनि सा 2 फिसाजोफोर दड; जायनि मुड रेखा आरे राधा।

## बलिउडनि माखासे हरर सावथुनफोरा आइ एम डि बिआव बयनिखुइ बांसिन रेटिखौ मोन्नो हादों

कमेडि, ड्रामा, एक्शन आरे एडभेन्चरनिफ्राय लानानै हरर सावथुननि बेंखन्थाया गोबां गुवार। बेवहाय बयनिखुइबो आलादा आरे रमान्टिक हररखौ नुनो मोनो। बे सावथुनफोरनि सल' आरे बेखौ बानायनयनि प्रसेसआ गुबुन सावथुनफोरनिफ्राय एसे आलादा जायो। बेनि अनगायै हरर सावथुनफोरनि नायगिरिफोराबो आलादा जायो। साफ्रोमबो सुबुंआ हरर सावथुनखौ नायनो मोजां मोनो। फारसेथिं बेखौ मोजां मोनग्रा सुबुंफोरा खनफ्रोमबो मोनसे आलादा लेभेलनि कन्टेन्टखौ नायनो हास्थयो। बेबायदिनो माखासे नायगिरिफोरनि थाखाय बै सावथुनफोरनि फारिलाइखौ लानानै फेदों, जायखौ आइएमडिबिआव बयनिखुइ बांसिन रेटिखौ मोन्दों आरे बे सावथुनफोरनो अटिटिआवबो नायनो हायो। साउट सावथुन 'तुम्बाड'खौबो रहिल अनिल बभेंआ बिथोन होंदों। हरर आरे श्रेलारजों बुंफनयन बे सावथुनआ आइएमडिबिआव बयनिखुइ बांसिन 6.2 रेटि मोन्दों। सावथुननि सल'आ मोनसे मख'जाथाव प्लटजों लो गोसे लुगैनायनि जाहोनाव ख'हा जाजानायजों मोगा-मोगि जाहोयो। तुम्बाइखौ अटिटि प्लेटफर्म एमाजन प्राइमआव मोन्नो हायो।



अनभिता दत्त गुपतनि बिथोन होनायाव बानायनय बुलबुलआ 2020 आव रिलिज जादोंमोन। सावथुनआव सिखि-सिख्खाफोरनि सल'खौ दिन्थिनय जादोंमोन। नाथाय बुलबुलआव सिखि सिख्खाफोर ओरैबायदि हौवाफोरखौ साजा होयो, जायफोर आइजोफोरखौ जेनायाव खोख्लेयो। बे सावथुनखौ नेटफ्लिक्सआव नायनो हागोन। आइएमडिबिआव सावथुन बुलबुलआ 6.5 रेटिखौ मोन्दों।

'डिन मरिया' विपाशा वसु आरे आशुतष रागानि गाहाइ फाव खालामनाय सावथुन गजआ आइएमडिबिआव 6.6 रेटि मोन्दों। सावथुननि सल'आ बिसि-फिसाइ आदित्य आरे सन्जानि बेंखन्थायाव गिदिडे, जायनि जिउआव बै समाव जेना फेयो, जेब्ला सासे अखा आत्माया बिसोरनि गोजान जाया आरे बियो आदित्यखौ बुथारनाने गावजों लो गोसे लानो नाजायो।

अनुष्का शर्मानि सावथुन 'परि'खौ अटिटि प्लेटफर्म एमाजन प्राइम भिडिआव नायनो हागोन। 2018 आव रिलिज जानाय बे सावथुनआ आइएमडिबिआव 6.6 रेटि मोन्दों।

1992 आव रिलिज जानाय सावथुन 'रात' खौ राम गपाल बर्माया बानायदों। बे सावथुननि सल'आ गंसे नख'रनि बेंखन्थायाव गिदिडे, जायनि जिउआव बै समाव सोलायो जेब्ला बिसोरो गुबुन न'आव थाहैयो। गोदान न'आव फेनाय लो गो लो गो नो बिसोरनि गेजेराव सोमोनांथाव जाथायफोर जायो आरे उनाव बिसोरनि फिसाजो मिनिनि सायाव बुहुदबो हाबो। रातआ आइएमडिबिआव 7.1 रेटिखौ मोन्दों। अटिटिनि बाश्राखौ बुडेब्ला रातखौ जि 5 आव नायनो हायो।

## आरआरआरनि स्टारफोरा इन्टारभिउ आरे टक स्वफोराव नांथाबनानै दड

सावथुन आरआरआरआ जेब्लानिफ्राय अस्कार बान्थाखौ मोन्दों, अब्लानिफ्रायनो लानिन्थिये सावथुननि सायाव स्टारफोरा इन्टारभिउ आरे टक स्व'आव नांथाबदों। तेलुगु सुपारस्टार जुनियर एनटिआरआ गावनि जोबथा सावथुन आरआरआरनि गिदिदर जाफुंसारनायजों लो गोसे गावखौ भारतीय सावथुननि बयनिखुइ बांसिन डिमान्ड गोनां फावखुंगुर महरै सिनार्याथिजानो हादों। पिरियड ड्रामा, आरआरआरआव जुनियर



एनटिआर आरे फावखुंगुर राम चरणखौ गिवि खेब अनस्क्रीनआव लो गोसेये नुनो मोन्दों। सावथुनखौ राजा मौलिआ बिथोन होंदों। सावथुननि गिदिदर जाफुंसारनायनि

जुनियर एनटिआरआ थारैनो मोनसे गोमोथाव बिबुंथिजों सौंथिफोरनि फिन्नाय होंदों। मख'नो गोनादि, जुनियर एनटिआरआ मोनसे समाव मोनसेल' सावथुनआव फाव खालामनो मोजां मोनो। तेलुगु सुपारस्टारआ थानाय सानआव आरआरआरनि हान्जाजों लो गोसे अस्कार 2023 आरे गल्डेन ग्लोबस 2023 जों लो गोसे गासैबो मुंदांखा बान्था सेरेमनी आरे हाबाफारिफोराव बाहागो लानायाव नांथाबदों। बे हाबाफारिफोराव बिनि इयुननि

थांखिफोरनि सोमोन्दे सौंथि सौंनय जादों। नाथाय बिनि फेनो गोनां सावथुन एनटिआर 30 नि अनगायै दासिमआव जेबो सावथुनखौ फोसावनाय जायाखै। जुनियर एनटिआरआ बावैसो समाव भिश्क सेननि सावथुन धम्मकीनि प्री रिलीज इभेन्टआव बाहागो लादोंमोन। जेराव बिनिआव आरेबाव खनसे बिनि रिलीज जानो गोनां सावथुननि सोमोन्दे सौंनय जादोंमोन। जायनि उनाव बियो बेबादि सौंथिखौ सौंजानो बानाय बायदि फिन्नाय होंदों।

## माहाम देहानि राहा

### बेहेलखौ जायोब्ला बेरामफोरा जानगार जानायजों लो गोसे इमिउनिटिआ गोखों जायो

बेहेल फिथाइ एवा बेलनि बिलाइखौ भारतआव गोबां गोनांथि होनाय जायो। मानोना बेखौ भगवान्त शिबनो बाउयो। धोरोमारि गोनांथिनि अनगायै बेहेल बिलाइया देहानि थाखायबो गोबां मुलाम्फा गोनां। बेयो केल्लिसयम आरे फाइबाजों लो गोसे भिटांमिन ए, सि, बि। आरे बि6 बायदि गुणफोरजों बुफनयन जायो। गोबां सुबुंफोरा मिबथियादि, बेहेल बिलाइआ माखासे देहायारि जेनाफोरखौ जानगार खालामनायाव मदत होयो। सानफ्रोमबो बेखौ जायोब्ला, उदैजों सोमोन्दो गोनां जेनाफोरनिफ्राय रेहाय मोनो। बेनि अनगायै बेयो बिखानि जेना आरे लिभारफोरखौबो मोजां बानायनयाव मदत होयो। हेल्थ एक्सपार्टफोरबो सानफ्रोमबोनि जाग्रा आदार जानायाव बे बिलाइखौ लाफादेरनो सुबुन होयो। बेल फिथाइखौ सानाव जायखि-जाया समावनो जानो हायो। बेखौ उदै खालियाव जायोब्ला बांसिन मुलाम्फा मोनो।



बेखौ उदैनि थाखाय मोजां मानिनाय जायो। सानफ्रोमबो बेहेलखौ जायोब्ला एसिडिडि, गेस आरे इनडाइजेशननि जेनांनिफ्राय रेहाय मोनो। लो गोसेनो खि गोर जानायनि जेनायावो जानगार जायो। बेहेलआ डाइजेशन सिस्टेमखौबो गोखों खालामो। बेजों उदैनि गासैबो जेनाया जानगार जायो।

- फुंनि समाव बेहेलखौ जानायजों देहाखौ गुसु लाखिनायाव मदत मोनो। बेहेलनि गुणफोरा देहाखौ गुसु खालामो। बे जाहोनिनि थाखायनो जुदि नोंथाड बेलेखौ जायोब्ला, देहाया गुसुयै थागोन। गरम बोथोरनि समाव बेहेलखौ जायोब्ला गोबां मुलाम्फाखौ
- मोन्नो हायो।
- बेहेलआ डाइबेटिस बेरामनि थाखायबो मुलाम्फा गोनां। डायबेटिस बेरामिफोरा सानफ्रोमबो फुं'आव उदै खालियाव बेलेखौ जानो हायो। बेहेलआव थानाय फाइबा आरे गुबुन गोनांथार गुणफोरा ब्लाड सुगारनि लेभेलखौ कन्ट्रल खालामनायाव मदत होयो।
- हेल्डियै थानो थाखाय देहानि इमिउनिटिखौ गोखों खालामनाया गोनांथार जायो। जुदि नोंथाड खनले खनले बेरामजों जुजिनांदोंब्ला सानफ्रोमबो फुंनि समाव उदै खालियाव बेहेलखौ जानो हागोन। बेलेआव भिटांमिन सिखौ मोन्नो हायो, जाय इमिउनिटिखौ गोखों खालामनायनि हाबा मावो।

## अल्लु अर्जुनआ गावनि 6 बोसोर बैसोनि फिसाजो अरहानि यगाखौ नुजा गोमोदों

साउट इन्डास्ट्रीनि सुपारस्टार अल्लु अर्जुनआ गावनि हाबाफारिजों लो गोसे गावनि नख'रनि सुबुंफोरखौबो गोबां गोनांथि होयो। जाफुंसार

फावखुंगुर जानायजों लो गोसे अल्लु-अर्जुनआ सासे मोजां फिसाइ आरे बिफाबो। बियो सम सम गावनि नख'रनि सुबुंफोरजों लो गोसे सावगारिफोर आरे भिडिअफोरखौ शोयार खालामनाय थायो। बावैसो समाव नख'रनि सुबुंफोरजों लो गोसे बिखौ भेकेशनआव नुनो मोन्दोंमोन। फारसेथिं आधिखालाव बिनि आरेबाव मोनसे सावगारिया सोराडाव फेदों, जेराव बिखौ गावनि फिसाजो यगा खालामनायखौ नायनानै गोमोनाय नुदों? साउट सुपारस्टार अल्लु अर्जुनआ गावनि इनस्टा स्ट'रियाव फिसाजोजों गावनि सावगारि शोयार खालामदों, जेराव बिनि लाडलि अल्लु अरहाखौ यगा खालामनाय नुनो मोन्दों। 6 बोसोरनि फिसाजोखौ बेबायदि खालामनाय नुनानै अल्लुआ गोबां गोमोदों। फावखुंगुरनि



फिसाजोआबो आधिखालाव मुलुगाव आगान होगोन। अरहाया फावखुंगुरि समन्था रुथ प्रभुनि सावथुन शाकुन्तलमजों चाइल्ड अरटिस्ट महरै डेब्यु खालामसिगोन। बे सावथुनआ फे'गो दान एप्रिलनि 14 अक्टआव सिनेमाहालफोराव रिलिज जासिगोन। सामन्थानि अनगायै सावथुनआव मध देव महन, अनन्या नागला आरे कबिर दुहान सिंखौ नुनो मोनगोन। फावखुंगुरआ पुष्पा 2 खौ लानानै खौराडाव थादों। मेकार्सआनो बे सावथुननि सिक्वेलनि सायाव हाबाफारि मावनायाव नांथाबदों।

## टिभि सिरियाल इमलीआव इमली आरे अथर्भनि जिउआव सासे गोदान सुबुडा एन्ट्रि जासिगोन



टिभि सिरियाल इमलीआ गावनि नैथि सिजनआवबो नायगिरिफोरनि गोसोखौ देरहानो हादों। टिआरपिआव लानिन्थिये टप 5 आव थानो हानानै बे बाश्राखौ रोखा खालामदों। नायगिरिफोरा इमली आरे अथर्भनि सायाव अन्नाय

होंदों। माखासे सम थाद'नायनि उनाव बे स्व'आव मोनसे गिदिदर थासारिआ फेदों। बे स्व'नि मेघा चक्रबर्ती आरे करण वहराआ प्रटाग'निस्टनि फाव खालामदों, जेराव सिरत का।पु.रआ नेगेटिभ फाव खालामदों। बे स्व'आ आधिखालाव चिनिनि

बेंखन्थायाव गिदिदों जाय इमली आरे अथर्भनो आलादा खालामनो नाजायो। स्व'नि बे समनि ट्रेकआव चिनिनि आखुआ नख'रनि सिगाडाव फे नायनि बेंखन्थायाव गिदिदों। जेराव बियो गावनि गांछि हाबा मावनायखौ गनायदों आरे बियो अथर्भनो जुलि लानो हास्थयाखौ फोरमायदों। अथर्भनि गोसोखौ देरहानो आरे बिखौ जुलि लानो थाखाय चिनिआ नख'रनि सुबुंफोरखौ खावो आरे बिसोरखौ खानानै दोनो, जेराव नुनो मोन्दोंदि, चिनिआ अथर्भनो गावजों जुलि जानो थाखाय नारसिन्दों। बेनि गेजेरावनो इमलीआ फेयो

आरे अथर्भनो लो गोसे बिनि नख'रनि सुबुंफोरखौ रेखाथि होयो। अथर्भ आरे इमलीआ लो गोसेये गुन्दाफोरजों बुलायो आरे गावसोरनि जुलिनि समायखिरा लायो, जायजों बिसोरनि जुलिआ आरेबाव खनसे खाबु मोनो। नाथाय टिभिनि गाव गोनां मुलुगआव मोनफ्रोमबो गो जोन्नाय प्लटआव मोनसे सोमोनांथाव सम फेयो। बेवहायबो माखासे बेबादिनो जादों। जहेब सिद्धिकीआ इमलीआव एन्ट्रि जागोन। बियो स्व'आव मोनसे गोमोथाव फाव खालामगोन। इमली आरे अथर्भनि जिउखौ ड्रामाजों बुंफहोगोन।

## सावथुन पाठानआ अटिटिआव रिलिज जानाय लो गो लो गो नो फेन्सफोरा जोबोद रंजाखांदों

शाहरुख खानआ सावथुन 'जिर' नि जाफुंसारनायनि 4 बोसोर उनाव सावथुन 'पाठान'जों लो गोसे स्क्रिनआव फेफिन्दोंमोन। 2023 आव एक्सन स्पाइ थ्रिलर सावथुनजों लो गोसे बिनि फेफिन्नाया जाफुंसारनायल'नख सिद्धार्थ आनान्दिनि बे सावथुनआ शाहरुख खाननि स्टारडमआवबो जौगाखाहोंदों। 50 साननिफ्राय बांसिन थिएयारआव जायगा आवग्रिनायनि उनाव शाहरुख खाननि सावथुनआ आधिखालाव अटिटि प्लेटफर्म एमेजन प्राइम भिडिआव 22 मार्चआव रिलिज जाखौबाय। बे सावथुनआ अटिटिआव फेनाय लो गो लो गो नो फेन्सफोरा गोबां



जायाखै मोन बे फोरबो अटिटिआव रिलिज जागोन। बे सावथुनखौ नुनायनि उनाव सशेल मिडियाआव सासे इउजारआ कमेन्ट खालामनानै लिदरदों, जों देरहाबाय, पाठानआ प्राइमआव फे मारबाय। गुबुन सासे इउजारआ लिदरदों पाठान अन अटिटि रिलिजआव माखासे

सिनफोरखौ सरजाबनाय जादों जायखौ दानाय जादोंमोन। बेवहाय डिम्पल कपाडियानि फाइट सिन, पाठानखौ रासियानि जोबथेसालियाव माबोरै टर्चर खालामनाय जादोंमोन, बे गासैखौबो दिन्थिनय जादों। सशेल मिडियाआव इउजारफोरा गावसोरनि खुसिखौ गोबां फोरमायदों। फेन्सफोरा प्राइम भिडिअनि स्क्रीनशटखौ लानानै सशेल मिडियाआव शोयार खालामदों। सासे इउजारआ टुट्ट खालामनानै लिदरदों, बोथोरा सोलायबाय। बेजों लो गोसेनो बियो पाठान, साभार क्रेस आरे पाठान अन प्राइम हेशटेगखौ बाहायदों।

## भारतीय आमेरिकान निशा बिश्वालखौ आमेरिका रांखान्थि एजेन्सिनि लेडाइ सिइअ सायख 'बाय

## भारतआ 2070 सिमआव कार्बन निउट्रल बानायनायनि मिसन मडआव दं: मन्थि नितिन गाडकारी


वाशिंठन, 22 मार्च: आमेरिकानि हादरगिरि ज बाइडेनआ भारतीय आमेरिकान नेमखान्थिनि जर'खागिरि निशा देशाइ बिश्वालखौ आमेरिकानि हारिमायारि जौगाखां रांखान्थि निगम (डिएफसि) नि लेडाइ गाहाइ बिबानगिरि महरै सायख 'बाय। बिश्वालआ आथिखालाव इउएस सेम्बार अफ कमार्चआव हासिमायारि सोलोखान्थि आरो मुलुगनां हाबाफारिनि गागि लेडाइ आफादगिरि बिबानआव दड। लोगोसेनो बिथाडा इउएस इन्डिया बिजनेस काउन्सिल आरो इउएस बांलादेश बिजनेस काउन्सिलनि बिबानखौबो सामलायो। बिथाडा बेफोरनि हाबाफारिआव 30 बोसोरनिबो बावसिन समनि रोंगथि दड।



2013 निफ्राय 2017 सिम आमेरिका गुबुन हादरयारि बिफानआव खोला आरो गेजेर एसियान केसफोरनि लेडाइ नेहाथारि महरै खामानि मावनायनि उनाव आमेरिका-भारत सोलोखान्थि हेफाजाब होज्जालायनायनि बिबानखौ

एजेन्सि फर इन्टारनेसनल डेभलपमेन्ट (इउएसएआइडि) आव एसियानि थाखाय लेडाइ खुगिरि महरै हाबा मावदोंमोन। बिथाडानो गासै खोला, गेजेर आरो खोला सान्जा एसियाआव इउएसएआइडिनि हाबाफारिफोरखौ सामलायाना बिथोन होनाय आरो नोजोर लाखिनायनि हाबा मावदोंमोन। फार्सेथि बिथाडा केपिटल हिलआव 10 बोसोरनिबो बावसिन सम हगारदों। बेनि अनगायै बिथाडा इउएस इन्स्टिटुट अफ पीस आफगानिस्तान स्टाडि गुप आरो एस्पेन इन्स्टिटुटनि भारत-इउएस ट्रेक 2 डाइलक अन क्लाइमेट एन्ड एनाजिनिबो सोद्रोमा।

नागपुर, 22 मार्च: मिरुनि मन्थि नितिन गाडकारीआ मंगलबारआव बुंदोंदि, भारतआ 2070 माइथायसिमआव कार्बन निउट्रल जानायनि मिसन मडआव दड। हादरआ मोजां लामाफोरनि गोनांथि दड आरो लोगोसेनो इकल 'जीनि रैखाथिनिबो गोनांथि दड। महासस्टनि नागपुरआव खुंनय सिभिल 20 इन्डिया (सि-20) सम्मिलनआव बाहागो लानाय समाव बेखौ गावनि बिबुंथिआव बुंदों। सिगांफार्से मन्थिआ बुंवावोदि, जों गोख्रैयै फसिल फुएलनिफ्राय ग्रीन फुएलनि फार्से आवगायलांगसिनो। सि-20 आ जि-20 नि अफिसिएल गुप्सनि मोनसे, जाय जि-20 नि दैदेनगिरिफोरनिमिसन गावनि



बाश्राखौ सौहैहोनो मुलुगनाडेनि सिभिल ससाइटिनो मोनसे जौसां होयो। मन्थिआ बुंदों, हादरआ 2070 माइथायसिमआव कार्बन निउट्रल जानायनि थाखाय सिगांनिफ्रायनो मिसन मडआव दड। जोंहा मोजां लामा आरो

समान्थि लाबोनाया सरकारनि गाहाइ थांखि आरो बासुदेब कुटुम्बकमआ मुलुगआव बयनिबो थाखाय समान जौगाखानायखौ आवहायलांहोनयनि मावनांगौ बिबाननिबो इसारा होयो। मन्थिआ बासुदेब कुटुम्बकमखौ भारतनि जि-20 खौ दैदेनयनि मोनसे गोहो गोरा खौरां होनायनि नेसॉन होन्नानै बुंदों। बेसेनखौ बिथा खालामनाय सोलौंथाय आरो नखर बेबस्थाया भारतनि बयनिखुइबो देरिसन गोहो। इलेक्ट्रिक गारिफोरा 2030 सिमआव भारतआव 2 कौटि जागोन होन्नानैबो मन्थिआ गोखों आसाखौ फोरमायदों।

## भारतजों लोगोसे मोनसे समावनो चीन आरो पाकिस्तानआव बांग्रि मावदों

गोदान दिल्ली, 22 मार्च: दिल्ली एनसिआरजों लोगोसे सा भारतनि गोबां बाहागोफोरव मंगलबार हरनि समाव बांग्रि मावनायखौ मोन्दांथिदों। बे बांग्रि मावनायखौ भारतजों लोगोसे चीन आरो पाकिस्तानआवबो मोन्दांथिदों। खौरनि बादिल्ला, मंगलबार मोनानि 10.20 रिंगायाव मावनाय बांग्रिनि मिरुआ अ। फ गानि स्तानि फेजाबादनिक्राय 133 कि:मि: गोजानआव खोला-सान्जा फार्से थानाय हिन्दुकु च ओन्सोलावमोन। बे बांग्रि मावनायनि गोख्रैथिखौ रिक्टर स्केलआव 6.6 जखा सुनो



मोन्दों। बे बांग्रिनि मिरुआ 156 कि:मि: हा सिडावमोन। भारतनि अनगायै बांग्रिनि गोहोमआ आफगानिस्तान, तुर्कमेनिस्तान, काजाकिस्तान, पाकिस्तान, ताजिकिस्तान, उज्बेकिस्तान, चीन आरो किर्गिस्तानआवबो नाहेंदों।

उत्तराखन्डआवबो गोख्रो डै मोन्दांथिदों। दिल्ली एनसिआरआव बांग्रि मावनाया बांसिन गोहोम गोलेनायजों न' बिर्लिडफोरा मावग्लुनायाव सुबुंफोरा बाइजोआव गिनानै ओंखारजोबो। बेनि उनाव माखासे गोबाव समसिम न'निफ्राय बाइजोआवनो बयबो उदां जायगायाव थायो। खौरं मोन्नाय बादिल्ला, बांग्रि मावनाय लोगो-लोगोनो जम्मुनि माखासे ओन्सोलफोरव मबाइल सिबिथायाव जेंना सोमजिदों। आफगानिस्तान, पाकिस्तान आरो भारतआव मंगलबार हरनि बांग्रि मावनाया 30 सेकेन्डसिम थादोंमोन।

इस्लामाबाद, 22 मार्च: पाकिस्ताननि बेरेखा दोलो पिटिआइनि सासे दैदेनगिरिखौ थांखि खालामनानै जिउ फोजोबदों। मोनसे होबथाजानाय हान्जाया पिटिआइनि दैदेनगिरि आथिफ मुन्सिफ खाननि गारिआव गाग्लोबदों। जेराव पिटिआइनि दैदेनगिरिजों लोगोसे सा 10 सुबुंफोरनि जिउ गोमायो आरो सानै जोखोम जायो। जोखोम जानायफोरखौ साखाथानि देहा फाहामसालिआव थिसनानै फाहामथाय होनाय जायो। पाकिस्ताननि खौरं बिलाइ डननि रिपर्ट बादिल्ला, दैदेनगिरिनि सायाव गाग्लोबनाय बे जाथाया हाबेलियानि लंग

गामियाव जादों। एवताबादनि डिपिअ उमर तुपेलाओ फोरमायदोंदि, हाबेलियान महकुमानि मेयर आथिफआ गावनि कारजों थांबाय थादोंमोन। बे समावनो उत्तरारि हान्जाया गुलि गावहरनाया कारनि थाव टेंकिआव नाफेयो। गुलि नानानै कारआव अर जोंनो हमो। ससेल मिडियाआव बे गाग्लोबनायनि भिडिअखौ शेयार खालामनाय जादों। कारआ गाग्लोबनायाव गांजि रोखोमै खहा जानायखौ भिडिअआव नुनो मोन्दों। माखासे रिपर्टफोरव कारनि सायाव रकेटजों गाग्लोबदों होन्नानै दाबि दैखानाय जादों। बे गाग्लोबनाय जाथायनि उनाव मुनसिफ खाननि मोनसे भिडिअआ ससेल मिडियाआव भाइरेल जादों। बे भिडिअआ गाग्लोबनाय जाथायनि एसे सिगांनिमोन। भिडिअआव



मुनसिफ खानखौ लंग गामियाव उन्दैफोरजों क्रिकेट गेलोनाने रंजानाय नुनो मोन्दों। उत्तरारिनि गोखों गाग्लोबनायाव जिउ गोमानायफोरनि गोथै सहफोरखौ पर्ट मर्टेमनि थाखाय एकताबाद जिल्ला गाहाइ देहा फाहामसालिआव दैथायहरनाय जाबाय। बे जाथायनि सायाव पुलिसआ गोखों सिग्रोमनाय हाबाफारिबो जागायदों। मख 'जाथावदि, पिटिआइनि दैदेनगिरि आथिफ मुनसिफ खानआ 2022 आव कैबर फखुनक्वा ओन्सोलारि फस्थान बिसायख 'थिआव एवताबादनि हाबेलियान महकुमानिक्राय सासे उदां बिजाथि महरै देरहासारनो हादोंमोन। बेनि उनाव बिथाडा पिटिआइआव जइन्ट जादोंमोन। बिथानि बिफा मुनसिफ खानआ जादुनकेपि बिधान सभानि आगुनि सोद्रोमामोन।

## हादतआव आरोबाव खनसे करना इन्फेक्सनआ बांदों



गोदान दिल्ली, 22 मार्च: भारतआव एइस 3 एन 2 इन्फ्लुएन्जानि केसआ लांश्रियै बांदोंब्ला, गुबुन फारसेथि कभिडनि केसआबो बांदों। हादतआव सानसेयावनो करना भाइरास इन्फेक्सननि 1,134 गोदान केसआ सोराडाव फेनायनि उनाव हादतआव दासिमाव इन्फेक्सन जानाय सुबुंफोरनि अन्जिमाया बांनानै 4,46,98,118 जादों। फारसेथि फाहामथाइ लाबाय थानाय बेरामिनि अन्जिमाया बांनानै

7,026 आव सौहेंदों। मिरुआरि गाहाम देहा मावख 'नि फारसेनिफ्राय बुधबाखालि फुनि 8 रिंगायाव फोसावनाय अन्जिमानि बायदिब्ला चत्तिसगड, दिल्ली, गुजरात आरो महाराष्ट्रआव इन्फेक्सनजों 1-1 बेरामिफोर थैनायनि उनाव हादतआव थैनायफोरनि अन्जिमाया बांनानै 5,30,813 जादों। फारसेथि केरेलाया मुलुगनां इन्फेक्सनजों थैनाय बेरामिफोरनि फारिलाइआव आरोबाव मोनसे मुंखौ

## गोख्रों बांग्रि मावनायजों पाकिस्तानआव सा 9 जिउ खहा आरो सा 160 जोखोम

इस्लामाबाद, 22 मार्च: पाकिस्ताननि माखासे बाहागोफोरव मंगलबार हरनि समाव गोख्रों बांग्रि मावदों। रिक्टर स्केलआव बेनि गोख्रैथिखौ 6.8 थिसनो हादों आरो बे बांग्रिनि मिरुआ आफगानिस्ताननि हिन्दुकु च ओन्सोलावमोन। बे बांग्रिनि गोहोमआ आफगानिस्ताननि अनगायै पाकिस्तान आरो सा भारतआवबो नाहेंदों। अदेबानि बांग्रि मावनायजों भारतआव जेबो रोखोमनि मख 'जाथाव खहा जायाखैं। नाथाय पाकिस्तानआव सा 9 जिउ गोमादों आरो सा 160 निबो बांसिन जोखोम जादों। दा एक्सप्रेस ट्रिब्युनि बादिल्ला, बांग्रि मावनाय समाव पाकिस्ताननि राउलफिन्डिनि मोनसे बाजारआव सुबुंफोरा गावजों-गाव गिनायजों होंगो-दोंगो खारलाबायदों।



जेराव माखासे सुबुंफोरा जोखोम जायो। गुबुन फार्से कैबर-फखुनक्वा राइज्योनि स्वबिआव गंसे न'नि उखुमआ बायग्रबनायजों मोनसे नख 'रिनो खमैबो सा 5 सुबुंफोरा गोब्राब जोखोम जादों। मिडिया रिपर्टआव फोरमायनाय बादिल्ला, लाहर, इस्लामाबाद, फे साबर, जेलाम, सेकुपुरा, नोसेरा, मुल्तान, सांगलाजों लोगोसे गुबुन गुबुन जायगाफोराव बांग्रि मावनायखौ

मोन्दांथिदों। बे बांग्रि मावनायनि गोहोमआ भारत, आफगानिस्तान, किर्गिस्तान, उज्बेकिस्तान आरो चीनजों लोगोसे गोबां हादरफोराव नाहेंदों। बे बांग्रिआ मंगलबार हरनि 10.20 रिंगायाव मावदोंमोन। बांग्रि मावनायखौ मोन्दांथिदोंब्लाबो माखासे जायगाफोराव जेबो रोखोमनि खहा जायाखैं। गासै 1 मिनिटसिम मावनाय बांग्रिआ बयखौबो गिखांहोंदों।

## बाबा बागेस्वर धामनि सायाव सावथुन बानायनो थियारि जादों

बागेस्वर धामआ आतिकालनि समाव गोबां मुंदांखा जानो हादों, जाय गोबां खौराडावबो थायो। हिन्दु धोरामखौ सनातन धोरामनि महरै गोजौ जायगा मोनहोनयखौ लानानै बागेस्वर धामनि गोख्रों नाजानायखौबो गोबां सावरायनाय जायो। बागेस्वर धामनि मुड माखासे साननि गेजेरव मुलुगनाडे मिथि जादों। सुबुंफोरनि फोथायनाया

बेजों गोथौसिन जालांदों। बेबादिआव सावथुन मेकार अभय प्रताप सिंआ फोसावदोंदि, गाव थाबैनो बागेस्वर धामनि सायाव सावथुन बानायनो जागायसिगोन। बिथोनगिरि अभय प्रताप सिंआ बागेस्वर धामनि धोरोमारि गोनांथिनि सायाव सावथुन बानायनानै धोरोमारि, सुबुंफोरनि गोनांथि आरो समाजयारि हाबाफारिखौ



सावथुननि गेजेरजों दिन्थिनो थांखि लादों। मख 'नो गोनांदि, बे सावथुनखौ बिथोन होनायनि अनगायै अभय प्रताप सिंआ बे सावथुनखौ लिददोंबो। बे सावथुनखौ एपिपस पिक्सासनि गेजेरजों दिहुन्नाय जागोन। मख 'जाथावदि, बिथोनगिरि अभय प्रतापसिंआ सावथुननि टाइलेखौ बागेस्वर धामजोंनो सायख 'दों आरो बे टाइलेखौ

सिगाडवनो मावख 'यारि महरै रेजिस्टरबो खालामबाय। बियो फोरमायदोंदि, बे सावथुननि शुटिंखौ फेगौ दाननिफ्राय जागायगोन आरो सावथुनखौ बे बोसोरनि दशहराआव रिलीज खालामनो थियारि जादों। बाबा बागेस्वरनि शुटिंखौ उत्तर प्रदेश आरो मध्य प्रदेशनि गुबुन गुबुन लके सनफोराव खालामनाय जागोन।

## हकी गेलेगिरि रानि रामपलनि मुडव उत्तर प्रदेश आव हकी स्टेडियाम बेखेवदों

गोदान दिल्ली, 22 मार्च: शाहाबादन अलम्पियान आइजो हकी गेलेगिरि रानि रामपलनि मुडव उत्तर प्रदेशनि स्ट्रेडिआम खालामनाय जादों। बे स्टेडियामनि मुखौ रानि गाल्स हकी टुर लाखिनाय जादों। हकी स्ट्रेडिआम रानि रामपलआ कच बलदेब सिनिफ्राय गावनि रोग्थिखौ सोलोनो लादों आरौ गासै खेब 258 इन्टरनेसनल मेच आव गावनि रोग्थिखौ दिन्थिखौबाय। गेलेमुनि जारिमिन आव गिबि खेब हादर आव आइजो हकी गेलेगिरिनि मुडव स्टेडियामनि



मुखौ लाखिनाय जादों मोन। बे स्टेडियामखौ मंगलबार खालि रानिनि विफाय रेबन हास 'ना बेखेवनाने होबाय। खौरांजों बाश्रा सावरयनाय समाव रानि रामपलआ गावनि मुडव बेबादि

आरौ गेलेगिरिफोरनि मुडव बानायनाय बे स्टेडियामनिफ्राय माखासे सुबुनि आरोबाव थुलुंगानाय फे सिनगोननि मिजिथियो। माखासे बोसोरसिम भारतीय टिमनि केपेन जाखानाय अलम्पियान रानिआ हकीनि केरियार आव गोबां जाफुसाराय मोनबाय। बिथानि केपेन आवबो 2020 आव भारतीय आइजो हकी टिमआ अलम्पिकनि सेमिफाइनलाव सौहैदों मोन। गेलेमुनि फोथार आव बिहोमा होनायनि थाखायनो रानिआ पद्यश्री आरौ अर्जुन बाथ्राजोंबो मान बाउजाबाय। ड्रणाचार्य बाथ्राजों रानिनि कच बलदेबआ बिथानि मुडव लाखिनाय हकी स्टेडियाम बेखेवनायखौ बरायदों। लोगोसे इयुनि समाव गेलेगिरिफोरखौ थुलुंगानाय होनायनि थाखाय बेबादिनो गेलेगिरिफोरनि मुडव स्टेडियाम फोरखौ लखिनाय गेलेगिरिफोरनि मिजिथियो।

## निखत जरिनजों लोगोसे साबै बक्सारफोरा अमेन्स बक्सिं सेम्पियनसिपनि क्वार्टर फाइनलाव सौहैबाय

गोदान दिल्ली, 22 मार्च: बारां सेम्पियन निखत जरिनआ वलर्ड अमेन्स बक्सिं सेम्पियनसिपनि मेडेल देरहानायनिफ्राय आगानसेल' जान्थायाव दंसे। 50 कि:ग्रा: के टेगिरिआव दिन्थिफु'नाय निखतजों लोगोसे खेबने वलर्ड इयुथ बक्सिं सेम्पियन हरियानानि नितु (48 कि:ग्रा:), थानाय वलर्ड सेम्पियनसिपआव ब्रन्ज मेडेल देरहानाय मनिषा मौन (57 कि:ग्रा:) आरौ बर्मिघम कमनवेल्थ गेम्स आव ब्रन्ज मेडेल देरहानाय जेसमीन (60 कि:ग्रा:) आबो देरहानायजों क्वार्टर फाइनलाव आव जायगा आवगिबाय। बिसोर साबै बक्सारफोरा सेमिफाइनलाव सौहैयोब्लानो भारतनि मेडेल देरहानोन आ रोखा जानाने फेगोन। 63 आरौ 66 कि:ग्रा: लिरथायनि फ्री क्वार्टर फाइनलाव शासी चप्रा आरौ मन्जु बाम्बरीआ जापाननि माइ कित आरौ



उज्बे किस्ताननि नवबाकर कामिदभाजों जेनादों। निखत आरौ जेसमीनआ 5-0 स्कर आव देरहादों आरौ नितु-मनिषाआ आरएससिनि गेजेरजों देरहानाय थिसन्दों। निखतआ बक्सिं के रियारनि मोनसे दुनांमेन्ट आव 6 बाउट आव गेलेनादों। बिथाडा नैथि राउन्ड आव आल्जेरियानि टप रेंकिनि स्मायसाखौ फेजेन्दों। खेबने वलर्ड इयुथ सेम्पियन आरौ बर्मिघम कमनवेल्थ गेम्सनि सेम्पियन नितुआबो गोलेनो देरहादों। बिथाडा

हायाखैमोन। नाथाय बिथाडा क्वार्टर फाइनलाव सौहैनाने गावनि रोग्थिखौ फोरमान होदों मोन। बिथाडा थानाय बोसोराव वलर्ड सेम्पियनसिपनि मेडेल देरहादों मोन आरौ बे खेब आवबो मेडेल देरहानायनिफ्राय आगानसेल' गोजानाव दंसे। बिथाडा तुर्कीनि नुर आलिफ तुरहानखौ मेचनि बांसिन समावने दबथायदों। 63 कि:ग्रा: लिरथाय केटेगिरिआव शासिआ जापाननि माइ कितनि हेंथायव 0-4 स्कर आव जेनादों। जेसमीनआ ताजाकिस्ताननि मिजगना सामादभाखौ 5-0 स्कर आव फेजेन्दों। मेचनि गिबि राउन्ड आव सामादभाआ जेसमीनखौ दबथायदोंब्लानो उननि समाव गावनि फर्मखौ लाखिलानायव फेलें जादों। गुबुन फासै मन्जुआ एसियाय सेम्पियन खामिदभानि हेंथायै गोखों सेलेन्ज लाखिनायव फेलें जायो आरौ 0-5 स्कर आव जेनाडो।

## वन्डे वलर्ड कापआ फेगौ अक्टबर दाननिफ्राय जागायगोन



गोदान दिल्ली, 22 मार्च: मुलुगनि क्रिकेट फेन्सफोरा सोलिफु समाव वन्डे वलर्ड कापखौ लानाने उसु-खुथु आव दडमोन। नाथाय बे दुनांमेन्टनि सिडिउल्डआ सोराखव फेबाय। सोलिफु बोसोरावने जानो गोनां बे दुनांमेन्टखौ भारतआ दैदेनायनि बिबान मोन्दों। बेनि सिगां 2019 नि वलर्ड कापखौ इलेण्डआ दैदेन्दों मोन आरौ दुनांमेन्ट आवबो सेम्पियन जादों मोन। रिपर्ट आव फोरमायनाय बादिब्ला, भारत आव खुंजानो गोनां बे दुनांमेन्टआ फेगौ 5 अक्टबरनिफ्राय जागायगोन

वार्मआप मेचफोरनि थाखाय 2-3 उफ्रा जायगाखौबो थि खालामनो हागौ। रिपर्ट आव फोरमायनाय बादिब्ला, दुनांमेन्ट आव बाहागो लानो गोनां मोन 10 टिमफोरनि गेजेराव बिमुनि थाखाय खेब 48 मेच जागोन। 46 सानसिम सोलिनो गोनां बे दुनांमेन्टनि मेच आव टिमफोर गावजों गाव बादायगोन। वलर्ड कापनि खुंफुजानो गोनां अक्टखौ सम सम बोसोरसे सिगांनो थि खालामो। नाथाय सोलिफु बोसोराव आइसिसिआ पाकिस्ताननि क्रिकेटर आरौ भारत सरकारनिफ्राय टेक्स आव होनाय रेहायखौ रोखा खालामनो थाखाय थि समखौ नेनाने थागोन। आइसिसि आरौ बिसिसिआइनि गेजेराव जानाय रादायनि बादिब्ला, पाकिस्ताननि क्रिकेटर आरौ भारत सरकारनो खेबथाम दुनांमेन्टनि थाखाय टेक्सनिफ्राय रेहाय होनो समायखिरा लादों मोन।

आरौ दुनांमेन्टनि फाइनल मेचआ 19 अक्टबरखालि जाहेगोन। बे दुनांमेन्टनि फाइनल मेचआ आहमेदाबादन नरेन्द्र मदि स्टेडियाम आव खुंजागोन। रिपर्ट आव फोरमायनाय बादिब्ला, वलर्ड कापनि थाखाय बिसिसिआइनिफ्राय गासै मोन 12 जायगाफोरखौ थि खालामबाय। जायनि फारिआव आसामनि नोगोर गुवाहाटीखौ लाफानाने धर्मशाला, दिल्ली, बेंगलुरु, चेन्नाइ, हाइद्राबाद, कलकाता, आहमेदाबाद, इन्दर, राजखट आरौ मुम्बाइआ दड। बेजों लोगोसे बिसिसिआइआ

## आइपिएल 2023 नि सिगांनो केकेआरआ जेनायाव गोग्लैदों

गोदान दिल्ली, 22 मार्च: आइपिएल 2023 आ फेगौ 31 मार्चखालि चेन्नाइ सुपार क्रिस आरौ गुजराट टाइटन्सनि गेजेराव गेलेनाय मेचजोंनो जागायगोन। नाथाय बेनि सिगांनो केकेआरनि टिमआ मोनसे जेनायाव गोग्लैदों। कलकाता नाइट राइडर्सनि केपेन आरौ मिडिल अर्डांरनि बेटसमेन श्रीयस अय्यरआ जोखोम आव दड। जाउनव बिथाडा सार्जारि खालामजानानो हागौ आरौ बे जाहोननि थाखायनो आबु आइपिएलनिफ्राय जानगार आव थानांनो हागौ। रिपर्टनि बादिब्ला, अय्यरआ सोलिफु समाव बेक इन्जुरिनि जेनायाव दड। जायनि थाखाय बिथाडा



मोजाखव फेनांगोब्ला सार्जारि खालामजानांगोन। सार्जारि खालामजायब्ला बिथाडा 4-5 दानसिमहालागै क्रिकेटनि फोथारनिफ्राय जानगार आव थानांनो हागौ। बेबादि थासारि आव बिथाडा आइपिएल 2023 आरौ वलर्ड टेस्ट सेम्पियनसिपनि फाइनलाव आव

अय्यरआ आइपिएलनिफ्राय जायखारोब्ला, केकेआरआ गिदिर जेनायाव गोग्लैगोन। मानोनो बिथाडखौ आइपिएल 2022 नि मेदगा अक्सन आव केकेआरनि टिमआ 12.25 कौटि राखव बायदों मोन। थानाय सिजन आव अय्यरनि केपेन आव केकेआरआ मोजाडे दिन्थिफुनो हायाखेब्लानो अय्यरआ गोखोडे बेटि खालामदों मोन। बे समाव बिथाडा खेब 14 मेच आव 401 रन लादों मोन। मख 'नो गोनांदि, जोखोमनि थाखायनो अय्यरआ अस्ट्रेलियानि हेंथायै गिबि टेस्ट मेच आव गेलेनो हायाखैमोन।

बेनि उनाव फिन ब्रैथि टेस्ट मेच आवबो बिथाडा बेटि खालामनो ओंखारनो हायाखै आरौ अस्ट्रेलियानि हेंथायै आबु सिजननिफ्रायनो जानगारदों मोन। रिपर्टनि बादिब्ला, बिथाडखौ जर 'खागिरिफोरा सार्जारि खालामजानो सुबुरुन होदों। जाउनव अय्यरआ लन्दन आव थाबेनो सार्जारि खालामजानो हासिगौ। बिथानि मुडव दासिम आव आइपिएलनि खेब 101 मेच आव 2214 रन दड। जायनि गेजेराव बिथाडा खेब 19 हाफ सेन्सुरि लानो हादों मोन।

## मालभिका बनसड़आ सुइस अपेन बेडमिन्टनि गाहाइ ड्र आव सौहैबाय



बासेल, 22 मार्च: भारतनि आइजो बेडमिन्टन गेलेगिरि मालभिका बनसड़आ बासेल आव खुंजानाय सुइस अपेन सुपार 300 बेडमिन्टन दुनांमेन्टनि गाहाइ ड्र आव जायगा आवगिबाय। बिथाडा आमेरिकानि लरेन लेमखौ क्वालिफाई राउन्ड आव 21-17, 21-7 स्करनि फाराग आव फेजेन्दों। आइजो डाबल्स आव सिक्कि रेड्डु आरौ आरती सारा सुनिलनि जरायाबो गोखोडे दिन्थिफुनायजों गाहाइ ड्र आव सौहैनो हाबाय। बिथामोननि जराआ पालला लिन काउ आरौ लरेन लेमखौ 21-15, 15-21, 21-15 स्कर आव फेजेन्दों। मिक्स डाबल्स आव रहन कापुर आरौ सिक्कि रेड्डुआ जार्माननि पेट्रिक आरौ फ्रान्सनि जिस्का नि जराखौ 21-17, 15-21, 21-18 स्करनि फाराग आव फेजेनो हादों। गुबुन फासै मिराबा लुआं मेसमेन आरौ प्रियांशु राजाभत आ गाहाइ ड्रनि थाखाय

क्वालिफाई जानायाव फेलें जायो। मिराबाआ गिबि राउन्ड आव स्पेनि बादायारिखौ फेजेन्दोंब्लानो नैथि राउन्ड आव नेडरलेण्डनि जराजों 13-21, 25-23, 20-22 स्करनि फाराग आव जेनादों। प्रियांशुआ चीने ताइरनि चिशा हाअ लीजों गिबि राउन्ड आव 7-21, 5-21 स्कर आव जेनादों। रहन कापुर आरौ बि सुमित रेड्डुआआबो डाबल्स क्वालिफाई गिबि राउन्ड आव जेनां बाय।

## ब्रंनि आरौ भिनेशआ गुबुन हादर आव ट्रेनिं लाहैनायनि गनायथि मोनबाय

गोदान दिल्ली, 22 मार्च: मिर गेलेमु मावख'आ टार्गेट अलिम्पिक पडियाम स्कीमनि गेजेरजों स्टर रेसलार ब्रंनि पुनिया आरौ भिनेश फगातखौ किर्गिस्तान आरौ पलेण्ड आव प्रे विटस हैनायनि खावलायनायखौ गनायना लाबाय। ब्रंनिआ किर्गिस्तान आव 16 सान आरौ पलेण्डनि स्पाला आव 11 सान ट्रेनिं खालामनायनि थांखि लादों। पडियाम स्कीमनि गेजेरजों गेले गिरिफोरनि उरांजों दावबायनाय खरसा, जानाय-लौनायनि खरसाखौ जगायना होनाय जागोन। बेनि अनगायै भिनेशनि पार्टनार संगिता फगात, फिजिअ तेराफिस्ट आस्विनी जीवन पाटिल आरौ



ब्रंनि कच सुजित माननिनो खरसा जानायखौ क भार खालामगोन। बे बादि थासारिनि गेजेराव नो मनिटर् किमिटिआ सेलेक्सन ट्रायलनि गेजेरजों सिनियर एसियाय रेसलिनि थाखाय मोनसे केम्प खालामनायनि थांखि लायो। बे केम्पखौ स्पर्टस अथरिटी

अफ इन्डियानि रिजनेल सेन्टर सनिपत आव खालामनाय जागोन। बे केम्प आव गासै सा 108 रेसलारफोरा बाहागो लागोन। जायनि गेजेराव सा 36 आ आइजो, सा 33 ग्रिकरमन आरौ सा 39 आ हौवा फ्री स्टाइल केटेगिरि रेसलारफोर जागोन।

फ्लरिदा, 22 मार्च: केमिला जिअर्गीआ मियामी अपेन 2023 नि गिबि राउन्ड आव काइया कानेपीखौ 3 घन्टा 32 मिनिट आव फेजेन्नाने डब्लिउटिए सिजननि बयनिखुइबो गोबावसिन मेच गेलेनायनि फारि आव एरिका एन्डीभाजों समान रेकर्ड थिसनबाय। एरिकाआ थानाय दान आव आस्टिन आव बेजों समान सम आवनो हेरियट डर्टखौ फेजेन्दों मोन। जिअर्गीआ बे मेचखौ माखासे बाइड समनि गेजेराव नो फोजोबनो हानायनि खाबु मोन्दों मोन। बिथाडा थामथि सेट आव 5-0 स्कर आव आवगायदों आरौ 5-3, 5-4 मोननै आव मोनसे मेच पइन्ट मोनो हादों। नाथाय कानेपीआ मेच आव 5-5 समान स्कर लाबोफिन्नायनि थांखिजों



मेच आव आवगायफिन्टो हादों मोन। थामथि सेटनि ताइब्रेक आव जिअर्गीआ 4 हेन्ड उइन्नार खालामना गिबि मिनिब्रेक आव 4-2 स्कर आव देरहायो। कानेपीआ जेनायाव 19 एच लादों आरौ जिअर्गीआ 11 एच खालामो। जिअर्गीआ अनगायैबो जार्मान आरौ अल इलेण्ड सेम्पियनसिपनि फाइनलाव आवबो सौहैदों मोन। आइजोफोरनि केटेगिरि आव खेबने अलिम्पिक मेडेल देरहानाय पिभि सिन्धुआ 9 थि नम्बर आवनो जायगा मोनफिन्दों। गुबुन फासै साइना नेहवाल आ 5 मासि दावखलायनाने 32 थि नम्बर आव जायगा मोन्दों।

बे खेब आव नैथि राउन्ड आव खेबथाम मियामी अपेन सेम्पियन भिक्टोरिया आजोकाजों बादायगोन। गुबुन मोनसे मेच आव कानाडानि क्वालिफायर केथरीन सेबभआ डब्लिउटिए 1000 इन्हेन्ट आव 17 बोसोरनि चेक लिन्डा फ्रुहभितभाखौ 2 घन्टानि गेजेराव 6-2, 4-6, 6-4 स्कर आव फेजेन्नाने गावनि केरियारनि गिबि गाहाइ ड्र आव देरहानाय थिसन्दों। मुलुगनि 50 नम्बरनि गेलेगिरि चेक लिन्डाखौ फेजेन्नाने 24 बोसोरनि सेबभआ गावनि केरियार आव टप 50 गेलेगिरिनि हेंथायै गिबि खेब देरहानाय थिसन्दों। मुलुगनि 172 नम्बरनि गेलेगिरि सेबभआ टप 50 नि हेंथायै थानाय खेबथाम मेच आव लान्थियै जेनादों मोन।